



書叢導指藥醫眾民

瘧痢病問答

上海華東書局印行

民衆醫藥指導叢書第九種

瘧痢病問答提要

瘧痢二症，不獨發於夏秋，即春冬二時，亦每有劇作者。顧其病因症狀，極端複雜，雖我國醫，且無網羅衆善，研究是症之專書。何怪庸工但知有金雞納、革麻油等粗淺治法哉？是以重症卽殆，輕者每因治不得法，而牽延時日，致虛損成痼疾者，比比皆是，可甚嘆也！本編搜羅衆書，並參以臨症經驗，對瘧痢二症。首辨病因，次舉症象，次列治方，有條不紊，既詳且備。讀此一書，便勝讀其他名著若干篇；而對症檢方，苟爲可治之病，無不收立竿見影之效，豈非病家鴻寶哉？

編者識

民衆醫藥指導叢書第九種 瘧痢病問答目錄

□ 上編 瘧疾病問答

● 第一 瘧病釋義

問何謂瘧疾瘧疾之大意若何？……………(一)

● 第二 瘧疾病因

問瘧疾之病因若何？……………(二)

● 第三 瘧病外候

問瘧病之見症若何其見症亦有所區別否？……………(三)

【一】 六經瘧病辨

問何謂六經六經之瘧病見症若何？……………(四)

【二】 五藏瘧病辨

瘧痢病問答目錄

瘡病問答目錄

問瘡病有五藏區別其辨症若何？……………(五)

【三】 風瘡症辨

問何爲風瘡風瘡之見症若何？……………(六)

【四】 寒瘡症辨

問何爲寒瘡寒瘡之見症若何？……………(七)

【五】 暑瘡症辨

問何爲暑瘡暑瘡之見症若何？……………(八)

【六】 濕瘡症辨

問何爲濕瘡濕瘡之見症若何？……………(九)

【七】 溫瘡症辨

問何爲溫瘡溫瘡之見症若何？……………(一〇)

【八】 瘴瘡症辨

問何爲瘰癧瘰癧之見症若何？……………(一一)

【九】 疫瘧症辨

問何爲疫瘧疫瘧之見症若何？……………(一二)

【一〇】 鬼瘧症辨

問何爲鬼瘧鬼瘧之見症若何？……………(一三)

【一一】 瘰癧症辨

問何爲瘰癧瘰癧之見症若何？……………(一四)

【一二】 牡瘧症辨（或稱牝瘧）

問何爲牡瘧牡瘧之見症若何？……………(一五)

【一三】 痰瘧症辨

問何爲痰瘧痰瘧之見症若何？……………(一六)

【一四】 食瘧症辨

瘧痢病問答目錄

問何爲食瘧食瘧之見症若何？……………(一七)

【一五】 虛瘧症辨

問何爲虛瘧虛瘧之見症若何？……………(一八)

【一六】 勞瘧症辨

問何謂勞瘧勞瘧之見症若何？……………(一九)

【一七】 瘧母症辨

問何爲瘧母瘧母之見症若何？……………(二〇)

【一八】 瘧病寒熱總辨

問瘧病寒熱有單見互見及輕重先後不同者其辨別之大意若何？……………(二一)

【一九】 瘧發陽分陰分辨

問瘧病有發于陽分陰分之說其辨之之法若何？……………(二二)

【二〇】 瘧病間日三日發辨

問瘧病有間日發三日發者其義若何？……………(二二)

【二二】 瘧病日輕日重辨

問瘧發有一日輕一日重者其義若何？……………(二四)

【二三】 瘧日發夜發辨

問瘧病有發于晝日有發于夜分者其義亦有所區別否？……………(二五)

【二四】 瘧發移早移晏辨

問瘧病之發本有定時其有移早移晏發者其理義若何？……………(二六)

● 第四 瘧病脈法辨

問瘧病之脈及其輕重死生可按脈而察辨否？……………(二七)

● 第五 瘧病治法概辨

問瘧病之治法大意若何？……………(二八)

【一】 服藥宜避銳氣辨

問瘧病服藥何以當避銳氣其避之之法若何？……………(二九)

【二】 截瘧權變辨

問瘧病有宜截不宜截者其截之之法權變若何？……………(三〇)

【三】 截後宜補辨

問瘧病截而不止何以必用補法其補之之法若何？……………(三一)

●第六 瘧病死症辨

問瘧病死症其辨別若何？……………(三二)

●第七 瘧疾分類症治

▲甲 和解類

【一】 瘧病新起往來寒熱症治

問瘧病初起往來寒熱或寒熱並重者症治若何？……………(三三)

【二】 瘧病熱多寒少口渴溺赤症治

問瘧病熱多寒少口渴渴赤脈弦數或滑而有力者症治若何？……………(三四)

【三】 瘧病熱少寒多自汗肢冷症治

問瘧病熱少寒多自汗肢冷脈弦遲者症治若何？……………(三五)

【四】 瘧病初起不論一二日及陰分陽分症治

問瘧病初起寒熱並重有日發有隔日發有三日發及日發或夜發者症治若何？……………(三六)

【五】 瘧疾不拘陰陽久近症治

問凡瘧病寒熱不分日夜發及新病久病宜若何治法？……………(三七)

【六】 瘧疾寒熱有定時汗出不透症治

問瘧病寒熱往來發作有定時汗出不透者症治若何？……………(三八)

【七】 瘧病寒多熱微或但寒不熱症治

問瘧病寒多微有熱或但寒不熱者症治如何？……………(三九)

乙 化痰截奪類

【一】壯人瘧在陽分寒熱並重症治

問瘧在陽分寒熱並重症三四發後不止者症治如何？……………（四〇）

【二】痰瘧寒熱往來症治

問痰瘧寒熱往來咳嗽日發或間日發者症治若何？……………（四一）

【三】瘧病寒熱三四發後服藥仍不愈症治

問瘧病寒熱並重症三四日後已服和解藥仍不愈熱甚口渴者症治若何？……………（四二）

【四】久瘧發時但寒戰症治

問瘧病經久不愈但怯冷發時寒戰者症治若何？……………（四三）

【五】寒熱久瘧不愈症治

問久瘧寒熱不減身體未虛弱者症治如何？……………（四四）

【六】小兒久瘧不愈症治

問小孩久瘧不愈寒輕熱重者症治如何？……………（四五）

【七】 三日癩年久不愈症治

問三日癩年久不愈寒熱並重者症治若何？……………（四六）

【八】 多年久癩不愈症治

問癩病經年或數年不愈而寒熱不減者症治若何？……………（四七）

【九】 癩發陰分午後即身熱症治

問癩病至午後即發身熱者症治若何？……………（四八）

【一〇】 三日癩久不愈症治

問三日癩寒熱久不愈者症治若何？……………（四九）

【一一】 鬼癩恐怖言動異常症治

問癩發時恐怖言動有異常人或譫語神糊或如喪神守口角流涎者症治若何？（五〇）

【一二】 牡癩多寒症治

問癩病多寒少熱或但寒無熱者症治若何？……………（五一）

丙 清熱類

【一】 瘧瘧熱多寒少症治

問病有瘧瘧但熱不寒者症治若何？……………（五二）

【二】 溫瘧但熱不寒骨節煩痛症治

問瘧病但熱不寒其脈如平身無寒但熱骨節煩痛時嘔症治如何？……………（五三）

【三】 瘧病但熱不寒痰甚口渴症治

問瘧病但熱不寒痰甚口渴者症治若何？……………（五四）

【四】 瘧病心下痞結舌白口渴症治

問瘧病寒熱心下痞結舌白口渴煩躁自利初身痛繼則心下亦痛者症治若何？……………（五五）

【五】 瘧來日晏邪漸入陰症治

問瘧病背寒身熱胸中痞結發作日晏者症治若何？……………（五六）

【六】 脾瘧寒起四末熱聚心胸症治

問太陰脾寒起四末（即足趾手指）不渴不嘔熱聚心胸者症治若何？……………（五七）

【七】瘧病暮熱早涼汗後渴飲症治

問瘧病脈左弦暮熱早涼汗後渴飲者症治若何？……………（五八）

丁 驅濕逐穢類

【一】濕瘧舌白腕悶寒起四末症治

問瘧病舌白腕悶寒起四末渴欲熱飲者症治若何？……………（五九）

【二】瘴瘧寒熱症治

問瘧病寒熱足軟身重者症治若何？……………（六〇）

【三】濕瘧寒熱腕腹脹悶症治

問瘧邪寒熱並見腕悶腹脹或大便不爽者症治若何？……………（六一）

戊 攻逐類

【一】瘧病寒熱往來便閉脇腹痛症治

瘧病問答目錄

問瘧病寒熱往來脉弦苔黃大便不通腹脇痛者症治若何？……………（六二）

【一】 久瘧成瘧母症治

問久瘧不愈腹脇結成痞塊作痛者症治若何？……………（六三）

▲己 溫補類

【一】 虛瘧食少症治

問久瘧體虛寒熱仍發面黃食少者症治若何？……………（六四）

【二】 勞瘧表裏虛損症治

問久瘧成瘵形容瘦削寒熱雖輕減而未全撤遇勞輒作者症治若何？……………（六五）

【三】 久瘧正虛寒熱頻作症治

問久瘧服藥不愈正氣已虛而邪仍未淨者症治若何？……………（六六）

【四】 久瘧虛極症治

問久瘧虛極肌肉消瘦食少寒熱不重脉虛弱無神者症治若何？……………（六七）

【五】 勞瘧絡虛脇脹痛症治

問瘧邪久羈絡虛脇肋作痛或有塊者屬何症治？……………（六八）

【六】 三日瘧腹脹不渴嘔水症治

問三日瘧腹脹不渴嘔水者症治若何？……………（六九）

【七】 三日瘧形寒嗜臥舌淡脈微症治

問三日瘧久而不愈形寒嗜臥舌淡脈微發時不渴者症治若何？……………（七〇）

【八】 三日瘧勞則發熱痞結氣逆欲嘔症治

問三日瘧日久不已勞則發熱或有痞結氣逆欲嘔者症治若何？……………（七一）

● 第八 瘧病禁忌調護辨

問瘧病禁忌調護之法若何？……………（七二）

口下編 痢疾病問答

瘧痢病問答目錄

●第一 痢病釋義

問何謂痢病痢病之大意若何？……………(七三)

●第二 痢疾病因

問痢疾之病因若何？……………(七四)

●第三 痢病外候

問痢病之外症若何？……………(七五)

【一】 痢症虛實辨

問痢病有虛實症其區別若何？……………(七六)

【二】 痢症五色辨

問痢病有五色其病症之分辨若何？……………(七七)

【三】 痢症寒熱辨

問痢病有屬寒屬熱者其區別若何？……………(七八)

【四】 痢症逆順辨

問痢病輕重不同其症之順逆區別若何？……………（七九）

【五】 痢症裏急辨

問裏急腹痛虛實之辨若何？……………（八〇）

【六】 痢症後重辨

問痢病後重其病因何在？……………（八一）

【七】 痢症身熱辨

問痢症有兼身熱者其病因若何？……………（八二）

【八】 痢症腹痛辨

問痢病腹痛其病因區別若何？……………（八三）

【九】 痢症純黑色辨

問痢病純見黑色者其病因若何？……………（八四）

【一〇】 痢症嘔逆辨

問痢病嘔逆者其病因區別若何？……………（八五）

【一一】 痢症氣滯辨

問痢病有因氣滯者其症象區別若何？……………（八六）

【一二】 痢症食積辨

問痢病有由于食積者其症象區別若何？……………（八七）

【一三】 痢症疫毒辨

問何爲疫毒疫痢辨症若何？……………（八八）

【一四】 痢症瘀血辨

問瘀血致痢者其辨症若何？……………（八九）

【一五】 噤口痢辨

問痢病噤口不食者其病因若何？……………（九〇）

【一六】 休息痢辨

問痢有屢作屢休經年不愈者其病因若何？……………（九一）

【一七】 虛滑痢辨

問痢病虛滑不禁其症辨若何？……………（九二）

【一八】 陰虛痢辨

問痢病有屬陰虛者何以辨之？……………（九三）

【一九】 蟻蟲痢辨

問病有所謂蟻蟲痢者其見症若何？……………（九四）

【二〇】 蟲疰痢辨

問何爲虫疰痢其見症若何？……………（九五）

【二一】 瘧痢兼症辨

問瘧痢二症有兼見者其辯症若何？……………（九六）

【二二一】 奇恆癩症辨

問何為奇恆癩其見症辨別若何？……………（九七）

【二二三】 癩症輕重辨

問下癩症其輕重辨別若何？……………（九八）

【二二四】 癩病死症辨

問癩病有不治之症其區辨若何？……………（九九）

●第四 癩症辨脈

問癩症之脈象其吉凶辨別若何？……………（一〇〇）

●第五 癩病治法總辨

問癩病之大概治法若何？……………（一〇一）

【一】 初癩忌澁辨

問癩病初起何以忌用補澁之藥？……………（一〇二）

【二】久痢忌攻辨

問久痢之病何以忌用攻藥？……………（一〇三）

【三】痢症宜汗辨

問痢病本宜通導其有發汗而愈者屬何症治？……………（一〇四）

【四】痢久用補辨

問痢症本不宜補澁滯邪然亦有用補劑者屬何症治？……………（一〇五）

【五】久痢宜補脾辨

問痢久必虛其補之之法若何？……………（一〇六）

【六】久痢宜補腎辨

問痢久又宜補腎其義何在？……………（一〇七）

●第六 痢病分類症治

▲甲 祛風解表類

瘧痢病問答目錄

【一】 風邪時疫挾表下痢症治

問痢病因風邪外感以及時行疫痢兼寒者寒熱頭痛身痛脈浮無汗者症治若何？

..... (一〇八)

【二】 痢病寒熱作嘔症治

問痢病寒熱或初起但身熱胸脇滿嘔吐者症治若何？..... (一〇九)

【三】 腸風痢下純血症治

問腸風下血無裏急後重症治法若何？..... (一一〇)

【四】 血痢身熱裏急後重症治

問痢下純血身但熱無寒裏急後重噤口不食者症治如何？..... (一一一)

【五】 血痢淋漓不止噤口症治

問痢下純血淋漓不止噤口不食者症治若何？..... (一一二)

【六】 風邪疫痢兼濕熱挾食症治

問病有風邪疫癘兼濕熱夾食成痢身熱或微惡寒胸脇滿悶者症治若何？……（一一三）

▲乙 辟穢導積類

【一】下痢因於濕熱症治

問下痢因于濕蒸熱鬱胸腹滿悶裏急後重者症治若何？……（一一四）

【二】下痢初起濕熱食積並重症治

問下痢初起由於濕熱積食胸滿腹脹痛裏急後重下痢白粘及花紅膿血者症治

若何？……（一一五）

【三】水瀉挾赤白痢症治

問病有泄瀉而兼赤白痢者症治若何？……（一一六）

【四】痢症初起不拘紅白症治

問痢症初起腹痛裏急後重不拘紅白者統治之法若何？……（一一七）

【五】痢下赤白胸悶腹痛脹嘔吐症治

問痢下赤白水瀉相兼嘔吐胸膈脹滿裏急後重晝夜無度者症治若何？……………（一一八）

【六】 赤白痢腹痛後重日夜無度症治

問赤白痢及各種痢症腹痛後重日夜不知度數者治法若何？……………（一一九）

▲丙 調氣行血類

【一】 下痢膿血裏急後重症治

問痢病初起下痢膿血裏急後重症治若何？……………（一二〇）

【二】 下痢食積氣滯症治

問下痢赤白由于食積氣滯者腹脹痛胸悶不舒裏急後重症治若何？……………（一二一）

【三】 痢症初起胸腹不寬純下白粘症治

問痢下白粘初起但胸腹不寬者症治若何？……………（一二二）

【四】 下痢先紅後白症治

問痢病先紅後白裏急後重症治若何？……………（一二三）

【五】 血痢不止腹痛後重症治

問血痢不止腹中痛後重症者症治如何？……………（一二四）

▲丁 清熱解毒類

【一】 紅白痢噤口不食症治

問紅白痢疾噤口不食屬熱毒者症治如何？……………（一二五）

【二】 赤白痢裏急後重腸胃實熱症治

問赤白痢裏急後重腹痛拒按噤口不食心煩熱舌上黃苔脈實有力者症治如何？

……………（一二六）

【三】 奇恆痢喉塞咽乾症治

問奇恆痢腸胃燥熱實結腹痛拒按喉塞咽乾或如見鬼狀症治若何？……………（一二七）

【四】 痢兼泄瀉胸痛裏急後重不甚者症治

問痢症兼泄瀉日夜不止胸痛裏急後重不甚者症治若何？……………（一二八）

【五】 紅痢不止症治

問痢下純血紅久而不止者屬何症治？……………（一二九）

▲戊 固澀類

【一】 痢久不止症治

問久痢不止無裏急後重者症治如何？……………（一三〇）

【二】 久痢虛滑不禁症治

問久痢但虛滑不禁雖有赤白但不腹痛無後重者症治若何？……………（一三一）

【三】 久泄久痢不止症治

問久泄久痢腹不痛不後重者症治如何？……………（一三二）

【四】 休息久痢症治

問休息久痢時作時止但痢而不後重腹痛者症治如何？……………（一三三）

【五】 赤白久痢腹中不痛症治

問赤白久痢腹中不痛者症治如何？……………（一三四）

【六】 下痢脫肛症治

問下痢久而不愈邪已淨並無後重腹痛但肛門脫出者症治若何？……………（一三五）

【七】 腎虛久痢不止症治

問腎虛久痢不止腰脊痠痛症治若何？……………（一三六）

【八】 赤白久痢並久並瀉不止症治

問赤白久痢及久泄不止無後重腹微痛者症治若何？……………（一三七）

【九】 多年休息痢不愈症治

問多年休息痢腹不作痛惟下膿血兼流黃漿者症治如何？……………（一三八）

▲己 溫補類

【一】 久痢食滑便溏症治

問老年及虛人久痢食物滑泄大便溏者症治如何？……………（一三九）

【二】久痢小便不通厭食欲嘔症治

問久痢無腹痛後重但小便不通厭食欲嘔者症治若何？……………（一四〇）

【三】下痢無度脈微細肢厥不食症治

問下痢無度不後重但便膿血脈微細肢厥不能納食者症治若何？……………（一四一）

【四】久痢傷風肛墜尻痠症治

問久痢陰傷氣陷肛墜尻痠（尻即尾閭骨）症治若何？……………（一四二）

【五】噤口久痢腎胃兩傷不能納食症治

問噤口久痢腎胃兩傷不能納穀下焦不固脊痛尻痠其人怯冷者症治若何？……………（一四三）

【六】血痢久不愈氣陷陰虛症治

問血痢久不愈後重脫肛氣陰兩傷清熱則傷正補氣則滯邪宜用何法治之？……………（一四四）

▲庚 雜治類

【一】五色痢不愈症治

問痢下五色久而不愈者症治若何？……………（一四五）

【二】 赤白暴痢如鵝鴨肝痛不可忍症治

問赤白暴痢下物如鵝鴨肝狀痛不可忍者症治若何？……………（一四六）

【三】 一切赤白暴痢症治

問一切赤白暴痢其簡易治法若何？……………（一四七）

●第七 痢病調護禁忌法

問痢病之調護禁忌若何？……………（一四八）

民衆醫藥指導叢書第九種 瘧痢病問答

上海中國醫學院教授蔡陸仙編

上編 瘧疾病問答

●第一 瘧病釋義

問何謂瘧疾？瘧疾之大意若何？

(一)

寒熱有定期定時而發者，名曰瘧疾。因其戰寒則骨節抖震，指冷如冰，壯熱則周身膚表，其烙如火，症形有暴虐酷虐之義，故名曰瘧。瘧者虐也，此瘧病命名之義。古人謂無痰不成瘧，蓋痰滯胸膈腠理，（胸者，心肺之部，近前處統名曰胸。胸下近胃，有筋肉質之膈膜，名之曰膈。腠理者，肌肉之肥瘦相聯，有紋理處。）阻其上下升降，內外出入之氣機，致營衛失和，

而寒熱斯作，此致病之大略也。

● 第二 瘧疾病因

問瘧疾之病因若何？ (二)

答 夏日暑熱薰蒸，令人眞氣消灼，則大汗出，多煩渴。或過食生冷瓜果，或坐臥陰地取涼，致膚腠閉密，邪氣內留，聚而成痰。或汗出浴水，致水濕寒氣內着，至秋令收肅，邪伏不出，則痰氣愈加壅滯，正氣行至其處，與之相遇，正邪交爭，而寒熱作焉。陰陽之氣，更相勝負。故衛氣行過，（衛氣卽外行膚表以衛外之氣，其道路必經過腠理，故與邪爭，以奪路而出也。）與邪暫離，故有時汗解。及邪與衛氣復爭，病必再作。此陰陽升降，邪正合離之大義，而卽致瘧之病因也。

【編者按】瘧病之作，皆由營衛之氣交阻而成。其言正與邪爭，邪卽風與

痰濕滯伏之邪，正卽營衛循行之正氣。惟營衛究係何物，循行之常道若何，初學者殊不易明瞭。爰摘錄內經原文，略爲詳解，使學者得資以了悟焉。——內經云：人受氣於穀，穀入於胃，以傳於肺，五藏六府皆以受氣，其清者爲營，濁者爲衛，營在脉中，衛在脉外，（內守者爲營，營者有營養之義。外悍者爲衛，衛者有衛外之義。其實營衛一氣，循環貫連，特有行內行外，脉中脉外之殊，所謂清濁者，卽內外剛柔之異名詞耳。）周營不休，（此營字含有運動工作之義。）五十而復大會，（營衛之氣，一日一夜周運於身，共五十度次，而復交會於手太陰肺，名曰大會。）陰陽相貫，如環無端。▲陽主晝，陰主夜，衛氣之行，一日一夜，五十周於身。日行於陽二十五周，夜行於陰二十五周，平旦陰盡，陽氣出於目，夜半會於陰，萬民皆臥，名曰合陰。——（經文尙有衛氣日夜循行十二經，及五藏之路道次序。今

均從略者，慮其繁奧，不便於初學也。）

【又按】瘧病之作，皆由於衛氣於邪分爭。然所以分爭之跡象，亦殊不易明言。茲再摘內經原文，以爲初學研求瘧病真理之途徑焉。——內經云：「夫瘧皆生於風，其畜作有時者何也？」曰：瘧之始發也，先起於毫毛伸欠，（謂皮膚毫毛先覺凜然作寒，伸欠者倦而呵欠，欲伸之以快意也。）乃作寒慄鼓頷，（謂抖戰震動齒頰也。）腰脊俱痛，寒去則內外皆熱，頭痛如（破，渴欲冷飲，此陰陽上下交爭，虛實更作，陰陽相移也。）（陰陽者，內外之正氣也。虛實者，正與邪爭，邪實時則正虛，故病作，正實則邪氣虛，正氣奪路而出，故病已，正氣行過，邪氣復湊，待正與邪爭，而病復作復已，故曰虛實更作，陰陽相移也。）陽并於陰，則陰實而陽虛，陽明虛，則寒慄鼓頷也。巨陽虛，則腰脊頭項痛。三陽俱虛，則陰氣盛，陰氣盛，則骨寒而痛，寒生於

內，故中外皆寒。（瘧病雖由正與邪爭，實則其寒熱互作。仍係本身內外之氣失常。夫氣并於內，則不能衛外之肌膚，肌膚失衛，則不禁外之寒氣侵襲，故畏冷而戰慄也。氣并於外，則肌膚壅而生熱，故身熱如烙也。詳見下文。迨陰陽氣復循行常道，則寒熱俱退，而得汗解矣。）陽盛則外熱，陰虛則內熱，外內皆熱，則喘而渴，故欲冷飲也。（瘧病身熱者，氣并於外，而內之陽氣本衰，故雖渴而多不喜冷飲。其有渴而冷飲者，皆因受暑熱之邪而致病耳。參觀下文，自見其義。）此皆得之夏傷於暑，熱氣盛藏於皮膚之內，腸胃之外，此營氣之所舍也。（表之內，裏之外，營氣之所居。營爲陰，熱傷營氣，故曰陰虛。）此令人汗孔疎，腠理開，因得秋氣，汗出遇風，及得之以浴，水氣含於皮膚之內，與衛氣并居。（此言邪氣留着之大略。）衛氣者，晝日行於陽，夜行於陰，此氣得陽而外出，得陰而內薄，內外相薄，

上編 癰疾病問策

六

是以日作。（此言日發之癰）其氣之舍深，內薄於陰，陽氣獨發，陰邪內作，陰與陽爭不得出，是以間日而作也。（間日癰，爲正氣衰，不能日與邪爭，必再積一日之久，使能奪路外出，故其病間日而作也。）其作日晏，與其日早者，何氣使然？曰：邪氣客於風府，循脊而下，衛氣一日一夜大會於風府。（風府，穴名，在項後入髮際一寸，項骨有三椎，其下乃是大椎，又名百勞。大椎以下，至尾骶二十一節，共二十四節，癰邪一日下移一節。）其明日日下一節，故其作也晏，此先客於脊背也。每至於風府，則腠理開，開則邪氣入，入則病作，以此日作稍晏。其出於風府，日下一節，二十五日，下至骶骨，二十六日，入於脊肉，注於伏膂之脈。其氣上行，九日出於缺盆之中。（足陽明穴，在肩下橫骨陷中。）其氣日高，故作日益早也。其間日發者，由邪氣內薄於五臟，橫連膜原（膈膜之原）其道遠，其氣深，其行遲，

不能與衛氣俱行，不得皆出，故問日乃作也。衛氣日下一節，其氣之發也，不當風府，其日作也。奈何？曰：虛實不同，邪中異所，則不得當其風府也。故邪中於項者，氣至頭項而病；中於背者，氣至背而病；中於腰脊者，氣至腰脊而病；中於手足者，氣至手足而病；衛氣之所至，與邪氣相合則病作。故風無常府，衛氣之所病，必開其腠理，邪氣之所合，則其府也。（風者，邪之總稱。客風府者，病之常理。而瘧固不必悉由於風，邪之所中，固不必盡屬風府也。總以邪氣所留處，衛氣相并則發。）夫風之與瘧，相似同類，而風獨常在，瘧得有時而休者，何也？曰：風氣留其處，故常在。瘧氣隨經絡沉以內薄，故衛氣應乃作。（風病與瘧之異點）瘧之始發也，陽氣并於陰，當是之時，陽虛則陰盛，外無氣，故先寒慄也。陰氣逆極，則復出之陽，陽與陰復并於外，則陰虛而陽實，故先熱而渴。夫瘧氣者，并於陽則陽勝，并於陰

則陰勝，陰勝則寒，陽勝則熱。」——以上皆內經論營衛及致瘧之因，雖初學似乎其文義繁複，然經解釋明瞭，自不難深思玩索，即得其旨趣。若不明其原委，又焉能盡治瘧之能事乎？讀者慎毋忽之！

● 第三 瘧病外候

問瘧病之見症若何？其見症亦有所區別否？ (三)

答瘧病之外症，寒熱有定時是也。亦有病發漸早漸晏者，然必按期而作，作後即已。其寒也，欠伸毛悚，鼓寒戰慄，湯火不能溫。其熱也，頭疼脊痛，煩燥而渴，甚則飲冷水不覺寒。或先寒後熱，或先熱後寒，或寒熱多少，或單熱單寒，病因不同，名稱亦異。又有六經藏府之分，試列述如下：

【一】 六經瘧病辨

問何謂六經？六經之瘧病見症若何？ (四)

【答】六經者，太陽、少陽、陽明、太陰、少陰、厥陰也。三陽統於太陽，三陰統於太陰。▲太陽之瘧，令人腰痛頭重，寒從背起，先寒後熱，熱止汗出，而病難已。▲少陽之瘧，令人身體寒不甚，熱不甚，或寒熱往來，（即寒止復熱，熱止復寒，名寒熱往來。）口苦脇痛而嘔，（胃脘兩旁近腋處名脇）惡見人，見人心惕惕然。▲陽明之瘧，目痛鼻乾，舌燥，令人先寒，寒甚乃熱，甚則汗出，喜見火光。或但壯熱汗大出，而熱不退，喜嘔。▲太陰之瘧，令人慘然太息，腹滿惡食，病至喜嘔，已乃衰，不嗜食，多寒熱汗出。▲少陰之瘧，寒少熱多，嘔吐獨甚，舌乾口燥，欲閉戶牖而處，其病難已。▲厥陰之瘧，令人腰痛，小腹滿，小便不利，而又頻數，意恐懼氣不足，腹中悒悒不舒，此六經見症之大略也。

【二】 五藏瘧病辨

問瘧病有五藏區別，其辨症若何？
(五)

答五藏者，心肝脾肺腎也。五藏瘧病，見症各異。▲心瘧者，令人煩心甚，欲得清水，反寒多，不甚熱。▲肝瘧者，令人色蒼蒼然，太息不舒，病發其狀若死。▲脾瘧者，令人寒，腹中痛，熱則腸中鳴，鳴已汗出。▲肺瘧者，令人心寒，寒甚則熱，熱則喜驚，如有所見。▲腎瘧者，令人洒洒然，（寒貌）腰脊痛，宛轉大便難，目眴眴然，（眴者，目搖動貌，又與眩通）手足寒。此五藏之瘧病，見症大概也。

【三】 風瘧症辨

問何爲風瘧？風瘧見症若何？
(六)

答風瘧者，由感受風邪致病。如因夏日避暑乘涼，汗出當風，閉其毛孔，致邪不得從汗泄越，所謂夏暑汗不出，秋成風瘧。其症煩燥頭痛，惡寒自汗，

先熱後寒，治宜發汗祛風。

【四】 寒瘧症辨

問何爲寒瘧？寒瘧之見症若何？ (七)

答寒瘧者，因納涼之風寒，沐浴之水寒，先伏於腠中，感受秋風，而病卽發。其症腰背頭項疼痛，先寒後熱，治當大汗。

【五】 暑瘧症辨

問何爲暑瘧？暑瘧之見症若何？ (八)

答暑瘧者，因感受暑熱之邪而發。其症大寒，大煩，大喘，靜則多言，體若燔炭，汗出而散。亦者單熱微寒者，均宜清暑解表爲治。

【六】 濕瘧症辨

問何爲濕瘧？濕瘧之見症若何？ (九)

因濕瘧者，因外着雨露，內停水濕而發。其症一身盡痛，手足沉重，嘔逆脹滿，寒熱，苔色白膩，病名濕瘧，宜解表除濕治之。

【七】 溫瘧症辨

問何爲溫瘧？溫瘧之見症若何？

(二〇)

答溫瘧者，得之冬中於風寒，邪氣藏於骨髓之中，至春則陽氣大發，邪氣不能自出，因遇大暑，腦髓燥，肌肉消，腠理發泄，或有所用力，邪氣與汗皆出，故先熱後寒，宜和解寒熱爲治。

【八】 瘧瘧症辨

問何爲瘧瘧？瘧瘧之見症若何？

(二一)

答瘧瘧者，因山溪蒸毒，濕熱蒸薰，邪鬱中焦，發時迷悶，甚則狂妄，乍寒乍熱，乍有乍無，一身沉重，不習水土者，恆多患之。甚則血瘀於心，涎聚於脾。

亦有口瘡不能言者，宜先吐其痰，後利大腸爲治。芳香攻逐，視其表裏見症而定之。

【九】 疫癘症辨

問 何爲疫癘？疫癘之見症若何？ (一一)

答 凡時氣傳染，一方長幼，病情症狀相若者，名曰疫癘。此因天時寒熱不正，邪氣乘虛，襲人肌表所致。其症寒熱交作，劇則多有化熱者，宜隨其見症辨治之。

【一〇】 鬼瘧症辨

問 何爲鬼瘧？鬼瘧之見症若何？ (一二)

答 鬼瘧者，因卒感尸疰客忤，（尸疰者，尸棺墓側，非常邪崇之氣，中人而病。客忤者，外來之邪穢異氣也。）寒熱日作，夢寐不詳，多生恐怖，言動異

常。俗云：「夜發爲鬼瘡者」非也，宜怯邪辟穢治之。

【一一】 瘡癰症辨

問何爲瘡癰？瘡癰之見症若何？ (一四)

答瘡癰者，肺素有熱，腠理開發，風寒舍於皮膚之內，分肉之間，發則陽氣盛，其氣不及於陰，故但熱而不寒，其症少氣煩冤，少足熱而欲嘔。今人素有火症，復夾食夾痰者，亦多有此症。宜消導清火治之。

【一二】 牡瘡症辨（或稱牝瘡）

問何爲牡瘡？牡瘡之見症若何？ (一五)

答牡瘡者，多寒少熱，或但寒而無熱，心胸窒塞，此因無形之寒氣，挾有形之痰飲，伏於心間，陽氣不能外透於肌表。故其症但寒無熱，或多寒少熱，宜吐去胸膈之痰，以祛其寒氣則愈。

【一三】 痰瘧症辨

問何爲痰瘧？痰瘧之見症若何？ (一六)

痰瘧者，因夏月多食瓜果油麵，鬱結成痰，熱多寒少。頭痛肉跳，吐食嘔沫，甚則昏迷卒倒。寸口脈浮大者吐之，關脈弦滑者化之。若胸滿熱多，舌糙黃，大便燥實，則宜和解兼攻下法，分別辨治，庶無謬誤。

【一四】 食瘧症辨

問何爲食瘧？食瘧之見症若何？ (一七)

食瘧一名胃瘧，因飲食失節，飢飽不常，穀氣乖亂，榮衛失所，寒已復熱，熱已復寒，寒熱交併，噫氣惡食，食則吐逆，胸滿腹脹。食在膈上，宜用探吐，食停未化，宜用消麩，食已漸消，宜用疏解，食積化燥熱，又宜攻下。臨症辨之，治法不可忽也。

【一五】 虛瘧症辨

問何爲虛瘧，虛瘧之見症若何？

(一八)

答虛瘧者，元氣本虛，復感邪患瘧，致飲食少進，四肢乏力，自汗不止，倦怠嗜臥。有表症者，亦宜兼顧其虛，久而不已，無論有邪無邪，但宜養正，少佐柴胡、乾葛等藥，不可再用汗吐下藥劫奪之劑，致變生他症。又有入房感寒成瘧者，（卽房慾後感寒成瘧）其症晝則寒甚，夜則熱甚，服藥而不得汗者，宜用蒼朮、桃柳等煎湯浸足至膝，內服補劑，其汗必行。又有虛極之人，瘧發之時，寒不成寒，熱不成熱，氣急神浮，精神恍惚，六脈豁大，此元氣衰脫，將有大汗昏暈之虞，亟宜氣血營衛雙補，以防不測焉。

【一六】 勞瘧症辨

問何爲勞瘧？勞瘧之見症若何？

(一九)

【答】勞瘧者，勞役過度，榮衛空虛，其症發熱惡寒，寒中有熱，熱中有寒，或發於晝，或發於夜，遇小勞便發，必氣虛多汗，飲食少進。又血虛之症，午後發熱，至晚微汗乃解。此似瘧非瘧症，若誤作瘧治必危，久而成瘵，則非補不克見功矣。

【二七】瘧母症辨

問何爲瘧母，瘧母之見症若何？

(二〇)

【答】凡瘧經年不瘥，謂之老瘧。或食積痰涎瘀血，結成痞塊，藏於腹脇，作脹且痛，令人多汗，此瘧母也。症最難治。此榮衛虛損，邪氣留着，宜養正氣，以漸化積通瘀，病必漸愈。若誤投峻劑攻削，必成脹滿不救矣。

【二八】瘧病寒熱總辨

問瘧病寒熱，有單見互見，及輕重先後不同者，其辨別之大意若何？ (三一)

答人身之中，衛氣居外，營血居內，陽邪與榮爭，而邪火發於外則爲熱，陰氣與衛爭，而正氣迫於內則爲寒。表邪多則寒多，裏邪多則熱多，表裏相半，寒熱相爭，諸瘧惟勞傷食積痰火，則寒已復熱，熱已復寒，謂之寒熱相併。其外如瘧瘧，但熱不寒者，乃邪病於表，則陽盛陰虛，陰虛生內熱，陽盛生外熱，而中外皆熱也。牝瘧但寒不熱者，乃邪併於裏，則陰盛陽虛，陽虛生外寒，陰盛生內寒，而中外皆寒者，此又一定之例也。

【一九】 瘧發陽分陰分辦

問瘧病有發於陽分陰分之說，其辨之之法若何？

(二二)

答瘧病大抵一日一發，及午前發者，邪在陽分，其病易愈。間日發，及午後夜間發者，邪在陰分，其病多纏延難愈。若間一日連二日發，或日夜各一發者，爲陰陽俱病，陰分多而陽分少，則其發日遠，陽分多而陰分少，則其

發日近，甚則內外失守，其邪不分，休作無時，又不可以陰分陽分概別之矣。

【二〇】 瘧病間日三日發辨

問瘧病有間日發三日發者，其義若何？ (二三)

答瘧邪其受病重者，邪氣內薄於陰分。陰分者，五藏也。其邪深，橫連募原。(募原爲腠理油膜之發原處)募原者，五藏空處之總名，在背爲陽爲募，在腹爲陰爲原，其道遠，其氣深，邪內居之，不能與正氣并行，故間日蓄積乃發。其有三日一發者，乃三陰經瘧，其病更深，發於子午卯酉者，少陰經也，發於辰戌丑未者，太陰經也，發於寅申巳亥者，厥陰經也，此間日及三日發之差別也。

【二二】 瘧病日輕日重辨

問瘧發有一日輕一日重者，其義若何？

(二四)

答時日干支之衰旺，每於人身有相關。凡人正氣旺者，不受干支衰旺支配，若體氣衰弱者，則不能與天時抗衡。如衰弱之人，遇交節令則發病者，是其證驗也。瘧病之發，有日輕日重者，蓋因甲丙戊庚壬爲五陽日，乙丁己辛癸爲五陰日，瘧久食減，胃中之正氣已孤，而邪去未盡，是以值陽日助正，而邪不能勝，正則輕，值陰日助邪，而正不能勝邪，則重，故有日輕日重之差異也。

【編者按】干支陽陰之說，頗不合於科學原理，然證之病情，恰多有符合處，不能全訾古學之爲厚非也。因並錄之，以作學理上之參攷。

【二二二】 瘧日發夜發辨

問瘧病有發於晝日有發於夜分者，其義亦有所區別否？

(二五)

○凡瘧邪之發，其受病輕者，邪氣外舍於陽分，陽爲臟，其邪淺，客於腠理，與衛氣並行，故一口一發。其發有晝夜之殊者，因衛氣晝行於陽，夜行於陰，此氣得陽而外出，故發於日間，營衛晝行背與脊故也。得陰而內薄，故發於暮夜，營衛夜行胸與腹也。是晝發者其邪淺而易愈，夜發者其邪深而愈則較難矣。

【二三】 瘧發移早移晏辨

問瘧病之發，本有定時，其有移早移晏發者，其理義若何？ (二六)

○邪氣客於風府，（風府注見前）循脊而下，衛氣一日一夜大會於風府，其明日則下移一節，日漸下移，故其作也晏。其出於風府，日下一節，二十五日，下至骶骨，二十六日，入於脊肉，注於伏脊之內，其氣又上行，九日出於缺盆之中，其氣日高，故作日益早也。所以正氣勝而外出，則移早爲

輕，邪氣勝而入內，則移晚爲重。此瘧發之有早晚殊異也。

【編者按】以上對於瘧病之真理，可謂闡發無遺。再能參攷後列之各方症，細心體會，自無不愈之病症矣。觀瘧病之分類，既有若是之多，可知絕非金雞納霜一藥，能統括治之，更以證明中醫學理之精細也。

● 第四 瘧病脉法辨

問瘧病之脉，及其輕重死生，可按脉而察辨否？ (二七)

答瘧脉自弦，弦數則多熱，弦遲則多寒，弦虛則宜補，弦緊則宜汗，弦而浮大者可吐，弦而緊實者可下，微弱爲虛，代散則死，（脉來時止有定數曰代。散者，如亂絲也，此皆氣血衰敗之象。）遲緩者將自愈。

【編者按】瘧脉多弦，然病未發時，脉亦有不見弦象者，如瘧發時不見弦，而見遲緩者，爲病轉易惑之象。

●第五 瘧病治法概辨

問瘧病之治法大意若何？ (二八)

瘧病治法，雖非一語可盡，然亦有不易之準則焉。大抵無汗須發汗散邪，汗過多當斂汗扶正，邪瘧及新發者，可汗吐下。虛瘧及久病者，宜補氣血。稍久而正虛邪滯者，宜一補一發。若深入於陰分者，宜先升後汗。至如邪乘虛入，則宜以發散祛其客邪，然後扶培胃氣。痰食氣滯，則先以消導散其壅滯，然後漸補脾元，此治法之大概也。此外又有服藥時，宜避其銳氣。截瘧時，宜識其權變，截後宜補。此三法，尤不可不知。

【一】服藥宜避銳氣辨

問瘧病服藥，何以當避銳氣，其避之之法若何？ (二九)

答凡瘧方發之時，其氣正銳，宜暫避之，不可服藥。須於未發兩時之先，進

服湯藥，此卽所謂避其銳氣也。否則藥病交爭，非徒無益，而反害之矣。

【二】 截瘧權變辨

問瘧病有宜截不宜截者，其截之之法，權變若何？ (三〇)

答：截者，截止其病邪，使不再肆梟張也。其截藥必爲峻猛之劑。而瘧病則有宜截有不宜截者，醫者必識其常理，而後方能審其權變。大抵瘧病數發之後，曾經汗解者，可商截法。久則中氣愈虛，病邪愈深，設或 尙緊盛，邪氣方銳，未可輕截。恐截住邪氣，變生他患耳。

【三】 截後宜補辨

問瘧病截而不止，何以必用補法，其補之之法若何？ (三一)

答：瘧病截而不愈，不可再用截法，恐損其氣。宜分晝發夜發，寒熱多少，以和解之。久則脾氣虛衰，須服養脾祛痰之藥，脾氣一盛，病自平復矣。

●第六 瘧病死症辨

問瘧病死症，其辨別若何？ (三二)

答凡瘧至吐瀉不食，腫脹歸腹者不治，亦有峻補參芪而獲生者，然不過十中之一二而已。

●第七 瘧疾分類症治

▲甲 和解類

【一】瘧病新起往來寒熱症治

問瘧病初起，往來寒熱，或寒熱並重者，症治若何？ (三三)

答往來寒熱，爲瘧邪在少陽經，二陽經瘧初起時，均寒熱並重。宜用柴

胡黃芩 製半夏各一錢 人參一錢 甘草五分 姜二片 棗一枚 水煎熱服。汗出不透者加 香蘇葉二錢 暑日加香薷一錢 熱重口渴再加黃芩

五分 口渴不止加瓜蒌根一錢。此名小柴胡湯，爲三陽經瘧病，初起時，寒熱並重之主方。

【二】瘧病熱多寒少口渴溺赤症治

問瘧病熱多寒少，口渴溺赤，弦數，或滑而有力者，症治若何？ (三四)

答用 青皮 厚朴 姜汁炒 草薺 柴胡 黃芩 茯苓 製半夏 炙

甘草各七分 姜一片 棗一枚 水煎熱服。

【三】瘧病熱少寒多自汗肢冷症治

問瘧病熱少寒多，自汗肢冷，脈弦遲者，症治若何？ (三五)

答宜用 前胡 柴胡各八分 桂心 桔梗 厚朴 製半夏各六分 黃

芩 乾葛 甘草各四分 加生姜一片 大棗一枚 水煎熱服。

【四】瘧病初起不論一二日及陰分陽分症治

問瘧病初起，寒熱並重，有日發，有隔日發，三日發，及日發或夜發者，症治若何？
(三六)

瘧病初起，其人正氣未衰，不拘何種見症，只須察其寒熱並重者，均宜用 廣陳皮 姜製半夏 茯苓 威靈仙 各一錢 蒼朮 米泔水浸一日切炒 眞紫朴 姜汁炒 柴胡 黃芩 各八分 青皮 檳榔 各六分 炙甘草 三分 生姜 三片 井水 河水 各一鍾，煎九分，飢時服。渣再煎服，如頭痛，加白芷 一錢。受病輕者，二服而愈。

【五】瘧疾不拘陰陽久近症治

問凡瘧病寒熱不分，日夜發，及新病久病，宜若何治法？
(三七)

用柴胡 八分 製半夏 五分 廣皮 八分 前胡 八分 枳殼 五分 防風 五分 白芷 五分 甘草 五分 查肉 五分 青皮 八分 生姜 一片 水煎去渣，熱服。

【六】瘧疾寒熱有定時汗出不透症治

問瘧病寒熱往來，發作有定時，汗出不透者，症治若何？

(三八)

【答】用真常山一錢五分 葛根三錢 甘草一錢 於臨發一點鐘前，煎湯熱服即止。

【又方】車前子數兩，搗汁，和陳皮煎服，兩服即愈。

【七】瘧病寒多熱微或但寒不熱症治

問瘧病寒多微有熱，或但寒不熱者，症治如何？

(三九)

【答】用柴胡一錢 桂枝五分 乾姜四分 括蔞根一錢 黃芩五分 炙甘草四分

牡蠣一錢 水煎，日三服，初服微煩，復服，汗出便愈。

▲乙 化痰截奪類

【一】壯人瘧在陽分寒熱並重症治

固瘡在陽分，寒熱並重，三四發後不止者，症治如何？

(四)

柴胡 黃芩 常山 知母 芍藥 檳榔 青皮 甘草各一錢 水酒各一碗煎，露一宿，五更時服，忌熱茶湯飯一日。

【一】 痰瘧寒熱往來症治

間痰瘧寒熱往來，咳嗽，日發或間日發者，症治若何？

(四)

痰瘧寒熱往來，不拘新久，宜用 青蒿四兩 真川貝母七錢 青皮 檳榔 厚朴 神曲 製半夏各二錢 甘草一錢 共爲末，姜汁爲丸，藁豆大，以硃砂爲衣，於未發前三個時辰，每服三錢，姜湯送下。

【又方】真川貝母六兩去心，生半夏四兩，各爲細末，端陽午時合和，銅鍋微火炒至嫩黃色，冷定，收貯磁瓶，勿令洩氣。每用生姜汁調藥二分，蒸熱，於病發先一時服之。輕者一服，重者三服必愈。愈後忌食發物，及鷄鴨南瓜

芋芳等物三月，此方屢著神效。

【又方】巴豆炒一粒，南星一个，白麩少許，水調捻餅，用膏藥貼於額上。

【又方】常山、草葉、丁香少許，用上好酒半茶杯，煎數滾，盛鍾內，熱薰鼻孔即愈。

【三】瘧病寒熱三四發後，服藥仍不愈，症治

問瘧病寒熱並重，三四日後，已服和解藥，仍不愈，熱甚口渴者，症治如何？

(四二)

【用】生首烏三錢，陳皮、柴胡、雲茯苓、黃芩各八分，白朮炒、當

歸、威靈仙各一錢，知母、蟹甲醋炙酥研粉各二錢，炙甘草二分，生姜三片

井河水各一碗，煎至一碗，加無灰酒五分，再煎一滾，空心服。

【又方】當歸、川芎、防風、甘草、陳皮、蒼朮、杜仲、檳榔、草

菓 製半夏 常山 荆芥 知母各一錢 研末，真烏梅三錢 燒熟打碎將

藥共放鍋內，炒熟，於瘡未發時，用稀布包裹，捆扎臍上，先以藥末三分填滿，其發必輕，再炒再捆，無有不效。間日瘡更效，輕者一次，重者兩次必愈。年老人不肯服藥者，用此最效。

【又方】柴胡三兩 青皮四兩 檳榔二兩 川朴三兩 神曲二兩 製半夏四兩 草菓二兩 川貝母二兩 山查炭一兩 研爲細末，每服二兩 滾水煎服。如熱多，加煨石膏三錢 知母一錢五分同煎。

【又方】胆星七兩 青皮三兩 常山葉八兩去淨沙用姜汁酒醋同製 早一時煎水服之，不論連天隔日俱效。

【又方】牛皮膠二兩 熬化，加生姜三兩 搗爛如泥攪勻，熬成膏聽用，於病發之先一時，用皂角水洗淨背脊，拭乾，再以生姜一大塊，揉擦極熱，用寬

長細布一大塊，將膏攤上貼之。（從衣領處貼起）過一二日，病即痊癒。愈後五日，方將膏藥揭去，一貼即愈，雖多年瘡病亦效。

【又方】用草從左手中指頂尖處量至中指根處爲止，將草摘斷，即用此草，從根量至掌，再從掌量至腕爲度，以墨點記，用獨頭大蒜研爛，敷於墨點處，用核桃核蓋上，以布扎上一個時辰，即去之，神效。

【又方】信石五分 巴豆七粒 雄黃七分 共爲末，於端午日午時，丸如麻子大，三陰瘡貼額中，餘男左女右貼之。

【又方】斑貓 巴豆肉 硃砂各一錢 麝香二分 雄黃一錢五分 蟾酥五分 用黑棗二三個，搗丸如棗豆大，貼眉心穴，一周時揭下，投長流水中。（編者按，此方孕婦忌用。）

【又方】常山 草薺 川烏 草烏 陳皮 甘草各一錢 右將絹袋盛

貯，聞於鼻間，卽止。

【又方】胡椒 雄精 二味等分研末，將飯研爛爲丸，如桐子大，外以硃砂爲衣，將一丸放在臍中，放以膏藥貼上，瘡卽止，神驗。

【又方】用綠礬少許，糝棉花上，扎緊，男左女右，塞鼻內，卽愈。

【又方】將老姜搗爛，裹於兩膝蓋上，週夜始行取去，可保永久不發。

【又方】明雄黃 製附子 眞潮腦各等分，爲細末，於瘡未發前一小時，以棉花少許，包裹藥末三分，塞鼻孔中，男左女右，食藥後，勿食湯水，睡過此時卽愈。

【又方】胡椒 硫黃各三厘 研末，糝膏藥上，貼背脊之正對肚臍眼處，過期卽愈。

【又方】硃砂一錢 斑蝥十四個 雄黃二錢四分 麻黃二錢四分 共研細末。

每用少許，放入膏藥，貼項後第三骨節，無論間日，每日，三日均效。但須於發作之前三四時貼用。（孕婦忌用）

【又方】甘松 山奈 二味等分爲末，用時納少許於臍中，外以膏藥貼之，是日即不復發。惟愈後須隔一星期，方可將膏藥揭去。

【又方】巴旦杏一兩 甘草一分煎水，於未發三點鐘以前服之。又用旱蓮草切碎，外包紫蘇葉塞鼻，男左女右，立效。

【編者按】以上各方截瘡均效，惟孕婦及寒熱未分清時，邪濕溫等禁用之。

【四】久瘧發時但冷戰症治

間瘧病經久不愈，但怯冷，發時寒戰者，症治若何？

（四三）

久瘧不愈怯冷者，多係寒伏痰滯之症。宜用 常山六錢 烏梅三錢 陳

皮一錢 檳榔二錢 製首烏二錢 當歸二錢 法半夏二錢 桂枝一錢 丁香五分 生姜二片 紅棗二枚 煎濃，在臨發之前服之。或吐或瀉自愈。如不痊，再一劑，即可斷根。

【五】 寒熱久瘡不愈症治

問久瘡寒熱不減，身體未虛弱者，症治如何？ (四四)

答用常山酒煮晒乾 知母 貝母 草菓各一錢 水煎，五更熱服。

【六】 小兒久瘡不愈症治

問小孩久瘡不愈，寒輕熱重者，症治如何？ (四五)

答大鱉甲 小者不用用醋炙枯，研末，每服一錢或一錢五分，隔夜一服，清早一服，將發時一服，無有不愈。

【七】 三日瘡年久不愈症治

問三日瘧年久不愈，寒熱並重者，症治若何？

(四六)

用當歸 製半夏各五錢 常山 檳榔各二錢五分 紅棗半斤去核，好酒一斤，井水一斤，共入砂罐，忌鐵器，煑爛露一宿，次日清晨，炖微溫，連棗作數次食完，即愈。屢驗如神。忌鷄與蛋鷄發物三月。

【八】 多年久瘧不愈症治

問瘧病經年，或數年不愈，而寒熱不減者，症治若何？

(四七)

瘧病多年，屬虛者居多。然體氣健，脈不虛弱者，亦不宜驟用補劑。宜用常山 黃連各五錢 酒一斤，泡一夜，瓦罐內熬至七分，發日早飲一半，發時再飲一半，或嘔或泄即愈。

【九】 瘧發陰分午後即身熱症治

問瘧病至午後即發身熱者，症治若何？

(四八)

【答】此爲邪入陰分，宜用 青皮 陳皮 當歸 知母各三錢 眞烏梅 五個 水二碗，煎八分，露一宿，臨發日提早一時服，其效如神。

【又方】雨前茶三錢 胡桃肉五錢 川芎五分 寒多加胡椒 三分，未發前入茶壺內，以滾水沖泡，乘熱頻服之，吃到臨發時，不可間斷。

【一〇】三日瘧久不愈症治

問三日瘧，寒熱久不愈者，症治若何？

（四九）

【答】首烏五錢 蒼朮三錢 白朮二錢 甘草一錢 知母五分 水四碗，煎碗半，鷄鳴時服，立止。

【又方】獨囊大蒜一個 黃丹一錢 搗和分作三丸，於發日早起向東，以井花水送下一丸，連服三日，自愈。

【又方】用陳香櫟一個，去頂皮，大者，每隻加透明雄黃三錢 中者二錢，小

者一錢，雄黃研細，摻入香櫟內，炭火中煨存性，再研極細，每服七分，用軟腐衣，分作六七包，乾咽下。此日不可喫湯，任其嘔去頑痰即愈。

【一一】 鬼癩恐怖言動異常症治

閻癩發時恐怖，言動有異常人，或譫語神糊，或如喪神守，口角流涎者，症治

若何？（五〇）

【答】此名鬼癩，乃受外來邪祟不正之氣所侵犯。宜用 畫鍾馗紙燒灰二錢 阿魏 信石 丹砂 各一粒。如黃豆大，寒食麪和丸，菘豆大，每服一丸，發時冷水送下。

【又方】鬼箭羽 鱖鯉甲燒灰二錢五分 爲末，每以一字，發時搖鼻。

【又方】硃砂四兩水飛 眞菘豆粉四錢 雄精一錢水飛 人言一錢（即製白砒）共爲細末，端陽日午時，合粽尖爲丸，小菘豆大，每服三丸，小兒一

丸，臨發時，井花水送下。

【一二】 牡瘧多寒症治

問瘧病多寒少熱，或但寒無熱者，症治若何？ (五一)

答此名牡瘧，乃痰阻胸膈，陽氣不能外達所致。宜用 雲母 燒兩日夜，龍骨 蜀漆燒去腥等分爲末，未發時，漿水服五分。

【又方】蜀漆一錢五分 甘草一錢 麻黃 牡蠣粉各二錢 水二鍾，先煎麻黃蜀漆去沫，入藥再煮至一鍾，未發前溫服，得吐即止。

▲丙 清熱類

【一】 瘧瘧熱多寒少症治

問病有瘧瘧，但熱不寒者，症治若何？ (五二)

答瘧瘧者，其人陰氣先傷，陽氣獨發，此症多發於夏末秋初，伏暑充斥三

上編 瘧疾病問答

四〇

焦肺胃，宜用 苦杏仁去皮尖三錢 淡竹葉二錢 花粉二錢 肥知母一錢五分
麥冬二錢 生甘草一錢 川貝母去心一錢 滑石三錢 橘紅一錢 頭痛煩躁，
加淡豆豉三錢 熱甚汗多，加石膏三錢 舌苔白膩，加法半夏一錢五分 嘔
吐加白芩三分 大便堅咽痛，加元參二錢 梨皮五錢 水煎。

【二】 溫瘧但熱不寒骨節煩痛症治

問瘧病但熱不寒，其脈如平，身無寒，但熱，骨節煩疼，時嘔，症治如何？（五三）

答此名溫瘧，其所異於瘧瘧者，只骨節煩疼一症，係由內有伏熱，外感新
寒。宜用 知母三錢 石膏五錢 炙甘草一錢 粳米一合 桂枝一錢五分 水
煮至米熟湯成，去渣，溫服。

【三】 瘧病但熱不寒痰甚口渴症治

問瘧病但熱不寒，痰甚口渴者，症治若何？（五四）

【答用】 青蒿二兩 童便浸焙 黃丹五錢 爲末，每服二錢 白開水調下。

【又方】 常山一錢 小麥三錢 淡竹葉二錢 水煎，五更服效。

【又方】 松蘿茶煎湯服，可以吐去痰涎而愈。

【又方】 青蒿三錢 知母一錢 煎湯，早晚服之，服後蓋被出汗卽愈。

【又方】 白茯苓 當歸 橘紅各一錢 甘草五分 以燒酒少許，浸潤，露天

一夜，明晨加水煎湯，空心服之，兩次必愈。

【四】 瘧病心下痞結舌白口渴症治

問 瘧病寒熱，心下痞結，舌白口渴，煩燥自利，初身痛，繼則心下亦痛者，症治

若何？ (五五)

答 此濕熱之邪，結滯心下氣分之病。宜用 製半夏六錢 黃連二錢 黃芩

三錢 枳實三錢 生姜三錢 水八杯，煮取三杯，分三次服。虛者加人參一錢

大棗 二枚。亦治不飢不飽，不食不便，渴不欲飲，氣逆不降等症。

【五】 瘧來日晏邪漸入陰症治

問瘧病背寒身熱，胸中痞結，發作日晏者，症治若何？

(五六)

答此爲瘧邪漸入陰分，宜用 草菓一錢五分 知母二錢 製半夏三錢 厚

朴二錢 黃芩一錢五分 烏梅一錢五分 花粉一錢五分 生姜汁五匙沖，水

五杯，煎取二杯，分二次服。

【六】 脾瘧寒起四末熱聚心胸症治

問太陰脾瘧，寒起四末，（卽足趾手指）不渴不嘔，熱聚心胸者，症治若何？

(五七)

答用 黃連二錢 黃芩二錢 製半夏三錢 枳實一錢五分 白芍三錢 生姜

汁五匙沖 水八杯，煮取三杯，分三次溫服。

【七】瘡病暮熱早涼汗後渴飲症治

問瘡病脉左弦，暮熱早涼，汗後渴飲者，症治若何？
(五八)

答此少陽經，偏於熱重之瘡，宜用 青蒿三錢 知母二錢 桑葉二錢 繁甲五錢 丹皮二錢 花粉二錢 水五杯，煮取二杯，瘡發前，分二次溫服。

▲丁 驅濕逐穢類

【一】濕瘡舌白腕悶寒起四末症治

問瘡病舌白腕悶，寒起四末，渴欲熱飲者，症治如何？
(五九)

答此濕瘡之症，宜用 厚朴一錢五分 光杏仁一錢五分 草菓一錢 製半夏二錢 茯苓塊三錢 廣皮一錢 水五杯，煮取二杯，分二次溫服。

【二】瘡瘧寒熱症治

問瘧病寒熱，足軟身重者，症治若何？
(六〇)

用茵陳煎湯服之。又煑根作齏，並可食之。

【三】 濕瘧寒熱脘腹脹悶症治

問瘧邪寒熱並見，脘悶腹脹，或大便不爽者，症治若何？ (六一)

答此為三焦濕滯，氣機升降失舒。宜用 柴胡一錢 製半夏一錢五分 藿香梗二錢 厚朴二錢 光杏仁二錢 茯苓皮二錢 廣皮一錢 神曲一錢五分 麥芽一錢五分 綿茵陳二錢 大腹皮一錢 水五杯，煎二杯，再服。刻便溏，身痛舌白，宜去杏仁茵陳，加薏苡仁二錢 川通草一錢五分。

▲戊 攻逐類

【一】 瘧病寒熱往來便閉脇腹痛症治

問瘧病寒熱往來，脈弦，苔黃，大便不通，腹脇痛者，症治若何？ (六二)

答此為少陽症，表裏俱病，宜用 柴胡一錢 炒枳實二錢 製半夏一錢五分

黃芩一錢五分 白芍一錢五分 生姜二片 大棗二枚 水煎溫服。甚者，加大黃三錢以通府氣。

【二】久瘰成瘰母症治

問久瘰不愈，腹脇結成痞塊作痛者，症治若何？

(六三)

答此症名爲瘰母，係由食積痰涎瘀血結成。大率爲榮衛虛損，邪氣留着，宜養正緩緩通絡行瘀。若誤投攻削，必成瘰臟難治。用人參鱉甲煎丸，每日吞服三錢，一月後必效。（按此痞塊如不消去，則瘰必難絕根株。）

【又方】瘰母胸脇高起，用毛脚芹菜 大蒜 銀硃 同搗爛塗患處，以油紙蓋上，紮住半日，皮上疼痛，口中有蒜氣出，其塊自消。

【又方】大蒜一個 晒乾研末，朴硝三錢 研末，獨囊蒜共搗融成膏，貼上自消。

【又方】獨頭蒜一個，黃丹一錢，番木鱉焙爲末五分，共搗成餅，放患處，紮好，口中有蒜氣出，卽出之，則內自消矣。

▲己 溫補類

【一】 虛癩食少症治

問久癩體虛，寒熱仍發，面黃食少者，症治如何？

(六四)

【答】 用 草菓 人參 茯苓各五分 甘草炙 橘紅 各八分 厚朴 蒼朮

製半夏各一錢 藿香五分 寒多加乾姜 桂枝各五分 熱多加 柴胡 一錢

黃芩八分 生姜一片 烏梅一錢 水煎。

【二】 勞癩表裏虛損症治

問久癩成癆，形容瘦削，寒熱雖輕減，而未全撤，遇勞輒作者，症治若何？

(六五)

○此名勞瘧，病時愈時發，乃表裏營衛並虧，宜用川芎、當歸、鱉甲、茯苓、青皮、陳皮、製半夏、白芍各二錢、烏梅一錢五分、生姜二片、紅棗三枚，水煎服，日進一劑，半月可愈。

【又方】黃芪三錢、鱉甲二錢、何首烏五錢、陳皮一錢五分、姜二片、棗一枚煎服。

【三】久瘧正虛寒熱頻作症治

○久瘧服藥不愈，正氣已虛，而邪仍未淨者，症治若何？（六六）

○用人參一錢、白朮炒一錢、炙黃芪、當歸各一錢二分、陳皮、柴胡各八分、炙甘草三分、升麻四分、知母炒一錢、製首烏二錢、麥芽二錢、生姜一片、大棗一枚、水二杯煎八分，飢時服，只三五服，元氣漸充，而瘧永不發矣。如邪不甚而但虛，寒熱不重者，宜用炙黃耆三錢、桂枝一錢五分、當歸一錢。

問久瘧虛極，肌肉消瘦，食少，寒熱不重，虛弱無神者，症治如何？（六七）

答用人參五錢，生姜五錢，水二碗，煎一碗，露一宿，次日五更溫服，當日即止。無力用參者，可用白朮土炒一兩，生姜一兩，如前煎服，二服即止。

【五】 勞瘧絡虛脇脹痛症治

問瘧邪久羈，絡虛脇肋作症，或有塊者，屬何症治？（六八）

答此氣血兩傷，邪留成瘧母之症，切不可攻削。宜用人參三錢，當歸一錢五分，肉桂一錢五分，炙甘草二錢，茯苓三錢，於朮炒焦三錢，生姜三錢，大棗二枚去核，水五杯，煮成兩杯，渣再煮一杯，分三次服。

【六】 三日瘧腹脹不渴嘔水症治

問三日瘧，腹脹不渴，嘔水者，症治若何？（六九）

答腹脹不渴，症屬脾寒，此症宜治太陰獨勝之寒。宜用草菓二錢，桂枝

二錢 生姜五錢 茯苓五錢 蜀漆炒三錢 厚朴三錢 水五杯，煮取兩杯，分二次，溫服。

【七】 三日瘧形寒嗜臥舌淡脉微症治

問三日瘧，久而不愈，形寒嗜臥，舌淡脉微，發時不渴者，症治若何？ (七〇)

答此為少陰寒瘧，氣血兩虛之症。宜用 鹿茸五錢 生鏗末先用黃酒煎

熟附子三錢 人參二錢 桂枝三錢 當歸二錢 蜀漆炒黑三錢 水八杯，加入

鹿茸酒，煎成三小杯，日三服。

【八】 三日瘧勞則發痞結氣逆欲嘔症治

問三日瘧，日久不已，勞則發熱，或有痞結，氣逆欲嘔者，症治若何？ (七一)

答此為厥陰勞瘧，陰氣先傷，氣逆陽明之症。宜用 製半夏一錢五分 黃

連三分 乾姜五分 吳萸四分 茯苓一錢五分 桂枝五分 白芍八分 川椒炒

黑五分 烏梅一錢 水煎溫服。

● 第八 瘧病禁忌調護辨

問瘧病禁忌調護之法若何？ (七二)

○ 凡瘧病口渴，切不可飲冷水冷茶，並一切生冷之物，犯之其疾更甚。惟以姜湯乘熱飲之，此良法也。凡瘧病熱未全退，不可飲食，必俟其熱退盡，方可食之，不然必成痞積。凡服截瘧之藥，必俟發瘧過後，方可食物。若食早，瘧必再發，下次截瘧無靈矣。又小兒瘧疾，多有穢氣，必重薰檀香蒼朮等藥，以辟其邪，更當薰其衣物，穢氣去則邪易除矣。

【編者按】瘧病口渴，在普通一切瘧病，均宜忌飲冷茶及食冷物。然在暑熱時，暑瘧化熱，熱重寒微，口渴喜冷飲，唇舌紅絳者，又宜與啖西瓜汁，勿拘拘於尋常禁忌也。

上 經 瘡 疾 病 問 答

下編 痢疾病問答

●第一 痢病釋義

問何謂痢病？痢病之大意若何？（七三）

答痢疾者，大便帶赤白而泄利不爽也。古稱滯下，滯下者，欲便不爽也。內經名之曰腸澼。腸澼者，腸中有積水也。是滯下言其症狀，腸澼言其病體也。又曰：無積不成痢，知此則痢之大意定矣。

●第二 痢疾病因

問痢疾之病因若何？（七四）

答醫書謂無積不成痢，然積字不專指食積一種而言。凡生冷油膩，濕蒸熱瘵，風寒伏暑，穢濁之邪，逗留腸胃，皆能爲病。其病多發於夏秋之交，因

濕蒸熱壅，內停瓜菓食積，外受秋涼，暑濕被冷所遏伏，於是而痢病遂作。

● 第三 痢病外候

問痢病之外症若何？ (七五)

答大便一日夜數十次，以至於百次，欲便時而又不爽，腹痛，便時有白粘，或血，或赤白相兼，狀如膿血，或帶糞質，或五色相兼。亦有虛痢，但便急不爽，腹不痛者。若初起帶表症，必見惡寒發熱，頭痛身疼。有伏熱裏實症者，必見心煩口渴，腹痛嘔吐，此皆痢病外候，所當兼辨者也。

【一】 痢症虛實辨

問痢病有虛實症，其區別若何？ (七六)

答脹滿惡食，急痛拒按者，實也。(腹痛手不能近者爲拒按)煩渴多飲，喜冷畏熱者，實熱也。水強而實，及數滑者實也。外此則多屬虛寒，其相似

之間，又當審察。同一口渴，如口渴而喜冷者爲熱，口渴而喜熱者爲寒，爲痰。同一腹痛，痛而脹，拒按者爲實，痛而不脹，喜按者爲虛。同一溺短，短而赤澀者爲熱，短而清白者爲寒。同一後重，（氣墜欲使不得也）而新病爲實，久病爲虛。同一脈大，大而沉實者爲實，大而浮洪者爲虛。此虛實寒熱之大概，不可不細辨焉。

【二】痢症五色辨

問痢病有五色。其病症之分辨若何？（七七）

凡痢熱血之積，干於血分則赤，干於氣分則白，赤白兼見者，氣血俱病也。純下清血者，腸風也。色如豆汁者，傷濕也。淡黃挾白者，食積也。微紅焦黃者，熱毒也。紫黑血絲者，瘀血也。雜下散血者，損傷也。如魚腦者，脾失運而陳積不腐也。如凍膠者，腸胃冷而真液下脫也。如白膿者，虛而挾熱挾

濕也。如屋漏水塵腐色，元氣虛弱極也。如鷄肝色者，百脈皆傷也。

【三】 痢症寒熱辨

問痢病有屬寒屬熱者，其區別若何？ (七八)

答世俗辨痢疾寒熱，多以白爲寒，赤爲熱，此但言其大概耳。殊不知白色亦有屬熱者，因暑熱內釀而成膿也。赤色亦有屬寒者，因血瘀凝滯而感寒也。是不可以赤白爲標準，當以脈之遲數辨之，遲爲寒，數爲熱。當以舌苔之色辨之，薄白而潤爲寒，黃厚或紅絳爲熱。又有寒熱雜見者，又當臨時權衡以參決也。

【四】 痢症逆順辨

問痢病輕重不同，其症之順逆區別若何？ (七九)

答凡痢病先水瀉而後便膿，此脾傳腎之賊邪，病雖輕爲逆爲難愈。先便

膿血而後水瀉，此腎傳脾之微邪，病雖重爲順爲易愈。此痢病初起，辨順逆之大要也。

【五】痢症裏急辨

問裏急腹痛，虛實之辨若何？ (八〇)

痢疾腹痛欲大便，不及登廁而卽瀉者火也。火性急速，能燥物也。腹痛頻泄，而不甚急迫者虛也。元氣滑脫而不禁固也。

【六】痢症後重辨

問痢病後重，其病因何在？ (八一)

痢後重者，肛墜欲便，而又不爽也。其由於邪迫者，得便泄少寬，未幾復作，此大腸積滯，未能宣通也。虛滑而後重者，雖便泄而不減，且便則反加甚，此肺脾氣陷墜，不能升舉也。

【七】 癩症身熱辨

問癩症有兼身熱者，其病因若何？ (八二)

答初癩身熱，其病因有二。脈浮者，兼表症也；脈沉者，陽明經熱，大腸有燥結也。久癩身熱，其分辨亦有二：身熱脈虛者，爲正虛可治；身熱脈大者，爲邪盛難治。今醫每以癩病身熱爲難治之症，亦曾知輕重新久之差異乎？

【八】 癩症腹痛辨

問癩病腹痛，其病因區別若何？ (八三)

答癩病普通腹痛，乃肺金之氣，鬱在大腸。其因積滯者，腹必脹滿，若腹痛而喜按者，多屬血虛。又有虛寒作痛者，亦喜按，然必久癩方見之。

【九】 癩症純黑色辨

問癩病純見黑色者，其病因若何？ (八四)

答下痢純見黑色，其辨有二：（一）黑而焦燥者，熱極反見水化也。（二）黑如光漆者，有瘀血也。（三）黑如塵腐者，乃痢疾不治之死症。

【一〇】 痢病嘔逆辨

問痢病嘔逆者，其病因區別若何？（八五）

答痢而嘔者，胃氣不和也。然胃氣所以不和，又當有以區別之。有胃火逆上者，其症頻嘔不休，舌黃脈數，有毒氣上攻而嘔，其症腹滿痛，手不可近，滯下不通；有胃虛而嘔，必腹痛喜按，得食少已。或竟全不能納食，大抵新病見嘔尚輕，久痢見嘔則爲逆症矣。

【一一】 痢症氣滯辨

問痢病有因氣滯者，其症象區別若何？（八六）

答七情乖亂，氣不宣通，致留邪滯積，觸而卽發。其症必見胸宇不寬，悶脹

拘急，宜重加調氣之藥，其治始不悖謬。

【一二】 痢症食積辨

問痢病有由於食積者，其症象區別若何？（八七）

答飲食過多，脾胃不運，生冷失調，或挾濕熱，均能成痢。其症痢黃色腐臭，或如魚腦，腹痛脹滿，不嗜飲食，首宜消導治之。

【一三】 痢症疫毒辨

問何爲疫毒？疫毒痢辨症若何？（八八）

答疫毒者，天行疫痢之毒也。凡感受時氣，村舍隣右，及閤門上下傳染，症形相同者，皆爲疫毒痢。其症或五色相兼，或僅赤白，噤口不食，初起多有寒熱，脈數大，苔垢濁。宜先解毒以散疫邪，不可一味攻導，使邪逗留，入裏愈深。凡治痢者，不可不知。

【一四】 痢症瘀血辨

問瘀血致痢者，其辨症若何？

(八九)

答凡飽食疾走，極力叫號，跌仆受傷，鬱怒不泄，以及婦人經行產後，誤吞生冷，惡血不行，凝滯於內，侵入腸間，皆能瘀阻致痢。其症胸腹刺痛，或着痛不移，手不能按，亦有得溫稍適者，溫則通運也。痢下之物，則純見紫黑惡血，或粘如膠飴，或光如漆色，脈見乳細結促，皆其候也。宜視緩急，祛瘀或溫化治之。

【一五】 噤口痢辨

問痢病噤口不食者，其病因若何？

(九〇)

答痢而能食，知胃未病，其症雖重易治。若噤口不能納食，則胃氣被邪所侵，猶之兵家餉道已絕，人命豈不危亡。但痢病所以噤口不食者，其病因

亦各不同。有因脾虛，濕熱薰蒸清道，而成噤口。有因脾胃素虛，止不勝邪，亦有誤服攻利之藥，傷其胃氣，及服瀉劑太早，而毒氣上攻。宜審其見症，詢其病因，據其新久，以酌奪治之。固不僅僅用扶胃補劑也。如久癩，胃氣虛陷，絕不思飲食者，則難治矣。

【一六】 休息癩辨

問 癩有屢作屢休，經年不愈者，其病因若何？ (九一)

答 癩病屢作屢發，有經年或數年而不愈者，名之曰休息癩。此症雖不時舉發，然多發於第一次起病相近期間。其病因蓋由用兜瀉藥太早，致積熱留邪未清所致。亦有調理失宜，過服寒涼，以及元氣下陷，腎虛不固者，宜視其體質病狀脈象，區別治之。如未致大虛者，總宜導其積邪，調其氣血爲治。

【一七】 虛滑痢辨

問痢病虛滑不禁其症辨若何？ (九二)

凡勞役過度，中州衰損，四肢困倦，穀食難化，下痢多糞質及完穀不化，腹中但微痛，雖便次頻數，但無裏急後重之症象，六脈沉伏，或細弱，此爲虛滑不固之症，不可以常痢治之。亦有痢久不愈，正氣受傷而成，如再用寒涼攻伐，則惡寒厥逆、白汗昏沉等症立見矣，宜用大劑辛溫補之。

【一八】 陰虛痢辨

問痢病有屬陰虛者，何以辨之？ (九三)

陰虛痢者，其人素患陰虛，又復感受寒邪，腹痛下痢，裏急後重，赤白稠粘，或見紅水，發熱夜甚，煩渴不寧，胸中似飢，得食則脹，病久不痊，治宜清解熱邪，兼滋陰血，庶可保全。若用涼血攻血，補氣破氣治之，必死。

【一九】 蟯虫痢辨

問病有所謂蟯虫痢者，其見症若何？（九四）

答胃弱腸虛，下痢不止，則蟯虫下乘，或痛或痒，從穀道中出，其形極細，乃九虫之一也。宜用清熱殺蟲治之。

【二〇】 蟲疰痢辨

問何爲蟲疰痢，其見症若何？（九五）

答痢名蟲疰，實則非蟲疰，乃痢疾之敗症也。其症痢下黑色，形如鷄肝，口燥大渴，五內切痛，由服金石湯丸，或燥烈之藥，逼損真陰，其血自百脉經絡而來，症極難治。雖非痢疾，常有，然治痢者，亦不可不知也。

【二一】 瘧痢兼症辨

問瘧痢二症有兼見者，其辨症若何？（九六）

○瘧痢二症同因暑邪，濕熱及感寒積食所致。有瘧後發痢者，由汗多亡陽，元氣下陷，後重裏急，似痢非痢。亦有痢後發瘧者，因下多亡陰，榮衛失調，寒熱交爭，似瘧非瘧。此二症，俱不可用攻劫之劑。若普通瘧痢兼發者，內有積滯，外受風寒也，可雙解之。大抵先痢後變瘧者，症輕易愈，先瘧後變痢者，症重而難治也。

【二二二】 奇恆痢症辨

問 何爲奇恆痢。其見症辨別若何？

(九七)

○奇恆者，異乎恆常也。其病三陽並至，二陰莫當，至如礮礮，九竅皆塞。其症下痢純血，身熱，喉塞咽乾，脈小遲濇。蓋因陽氣偏劇，陰氣先傷，其病難愈，不過七日死。若見譫語，如見鬼狀，不過當日申酉二時必死。宜急下其燥熱，早則猶可救十中之一二也。

【二三】 痢症輕重辨

問下痢症其輕重，辨別若何？

(九八)

答下痢身不熱者輕，身熱者重，（初起有表症身熱者，不在此例）色白者輕，赤白相兼者重，純赤更重，能食者輕，不能食者重，絕不食者死。

【二四】 痢病死症辨

問痢病有不治之症，其區辨若何？

(九九)

答下痢純血者死，如麈腐色者死，如屋漏水者死，如魚腦，如豬肝者，半生半死，氣短呃逆者死，唇若塗朱者死，肛門如竹筒者死，身熱脈弦者，半生半死，細皮寒，氣少，泄痢，飲食不入，五虛者死，直腸自脫下者死，久痢忽大下結糞者死，小兒出痘，即發痢者死，婦人新產，即發痢者亦死。

第四 痢症辨脈

問痢症之脉象其吉凶辨別若何？ (二〇〇)

答腸澀下膿血脉沉小滑利者吉，浮洪弦數者凶。又洪弦者重，浮大者未止，微弱者自愈。雖發熱不死，惟弦急者難治，此下痢脉象輕重之別也。

第五 痢病治法總辨

問痢病之大概治法若何？ (二〇一)

答內經云：和血則便膿自愈，調氣則後重自除，此治痢之概要也。凡痢症初起，後重則宜下，腹痛則宜和，身重則宜除濕，脉弦身熱有表症者，則宜解表祛風。因於濕熱者，去其濕熱。因於積滯者，去其積滯。因於氣者，調之。因於血者和之，新病而實者，可以通因通用（即既下痢而又攻導）久病而虛者，可以塞因塞用（謂痢不爽而復固之也）其外宜忌各法，姑再略舉列下：

【一】 初痢忌澁辨

問痢病初起，何以忌用補澁之藥？ (一〇二)

答痢病初起，大都爲食積濕熱之邪，故但宜化滯清解爲治。直俟積滯毒散，脾胃已和，氣血已復，方可調補，不可遽用補劑。（如肉蓯、訶子、白朮等藥）又不可妄投兜澁，（如粟殼、龍骨、烏梅等藥）恐濕熱被補而愈甚，致腹痛欲死，變症百出，卽不危殆，亦必日久遷延而難愈矣。

【二】 久痢忌攻辨

問久痢之病，何以忌用攻藥？ (一〇三)

答久痢氣本下陷，而再行其氣，後重不亦重乎？中本虛衰，而復攻其積，元氣不愈竭乎？濕熱久蘊，其血必傷，自宜調血。若過行推蕩，血不轉傷乎？津亡液竭，自宜止澁。若再與滲利，津不轉耗乎？此久痢禁攻下與滲利之大

概也。

【三】 痢症宜汗辨

問痢病本宜通導，其有發汗而愈者，屬何症治？

(二〇四)

答痢症本宜以通導爲正治，若初起發熱惡寒，頭痛身疼，是爲挾表痢。外感風邪，又當先與發散。俟表邪既去，始可清導。此表裏先後之標準，爲治痢者所當知也。

【四】 痢久用補辨

問痢症本不宜補澁滯邪，然亦有用補劑者，屬何症治？

(二〇五)

答痢病有濕熱食積之邪，補澁皆所當禁。然邪去正虛，或正不勝邪，補法亦不可廢。凡痢症脈來微弱者可補，形色虛薄者可補，病後而痢者可補，因攻而反劇者可補。又必須察其腹不脹滿，痛而喜按，或腹不痛，無裏急

後重之症象，再投補劑，斯不誤耳。

【五】久痢宜補脾辨

問痢久必虛，其補之之法若何？ (二〇六)

答久痢體氣虛弱，而痢滑脫不禁，徒知止澁，竟難奏效。殊不知痢久元氣下陷，當用升提補氣，如參、芪、白朮、升麻之屬，自能漸愈。如食少者，更宜專調脾胃，俾飲食進而氣血和。蓋痢以胃氣爲本，調補脾胃爲補虛第一良法也。

【六】久痢宜補腎辨

問痢久又宜補腎，其義何在？ (二〇七)

答脾爲後天之本，食爲養命之源，久痢補脾，固爲正治。然脾爲胃關，開竅於二陰，未有久痢而腎不虛者。故治痢不知補腎，非其治也。蓋腎火衰微，

不能生土，設非用桂附大補命門，以復腎中之陽，以救脾家之母，則門戶何由固，真元何由復耶？故知補脾不知補腎者，尙非探本窮源之治也。

●第六 癩病分類症治

▲甲 祛風解表類

【一】 風邪時疫挾表下痢症治

固痢病因風邪外感，以及時行疫痢兼寒者，寒熱頭痛，身痛，脈浮無汗者，症治若何？（二〇八）

用麻黃八分 防風一錢 蒼朮一錢 川芎八分 藜木一錢 羌活八分 白芷一錢 桔梗一錢 芍藥一錢五分 甘草一錢 水煎服，得汗良，不得汗，再進一服。

【二】 痢病寒熱作嘔症治

圓痢病寒熱，或初起但身熱，胸膈滿，嘔吐者，症治若何？ (一一九)

【用】柴胡一錢 製半夏一錢 黃芩一錢 人參一錢 (別直參可代)

甘草八分 生姜一片 大棗一枚 水煎，溫服。

【又方】柴胡一錢 羌活八分 獨活八分 枳殼一錢 桔梗一錢 前胡一錢 人參一錢 川芎八分 薄荷五分 生姜二片 加陳倉米一撮水煎去渣，熱服。

【三】 腸風痢下純血症治

閤腸風下血，無裏急後重症，治法若何？ (一二〇)

【用】宜疏風清血治之。 葛根一錢五分 黃芩一錢五分 黃連八分 荆芥

一錢五分 當歸一錢五分 柴胡一錢 白芍一錢五分 槐花三錢 地榆三錢

桔梗一錢 側柏葉三錢 水煎服。

【四】 血痢身熱裏急後重症治

固痢下純血，身日熱無寒，裏急後重，噤口不食者，症治如何？ (一一一)

此肝經風熱鬱火之症。宜用 白頭翁三錢 秦皮三錢 黃芩三錢 黃連一錢 水煎服。

【又方】柴胡一錢 青蒿一錢五分 白薇一錢五分 桑寄生三錢 當歸一錢

黃芩二錢 川芎八分 白芍二錢 水煎服。

【五】血痢淋漓不止噤口症治

固痢下純血，淋漓不止，噤口不食者，症治若何？ (一一二)

用殭蠶一兩炒 烏梅肉一兩五錢 共爲末，醋糊爲丸，梧桐子大，每服四

五十丸，空心醋沖開水送下。

【六】風邪疫痢兼濕熱挾食症治

固病有風邪疫厲，兼熱夾食成痢，身熱或微惡寒。胸膈滿悶者，症治若何？

(113)

答用 葛根二兩五錢 苦參二兩 陳皮一兩 酒炒白芍一兩 麥芽一兩 山

查一兩 萊菔子二兩 藿香一兩 川連一兩 木香一兩 共爲細末，每服一兩

五錢，滾水煎，熱服。

▲乙 辟穢導積類

【一】 下痢因於濕熱症治

問下痢因於濕蒸熱鬱胸腹滿悶，裏急後重者，症治若何？ (一一四)

答用蒼朮一錢 陳皮一錢 甘草一錢 黃芩一錢 黃連八分 檳榔二錢 茯苓

三錢 廣木香一錢 澤瀉一錢五分 木通一錢 水煎溫服。

【二】 下痢初起濕熱食積並重症治

問下痢初起，由於濕熱積食，胸滿腹脹痛，裏急後重，下痢白粘，及花紅膿血

者，症治若何？（一一五）

【醫】川連去蘆 條黃芩 生白芍 山查肉各一錢二分 陳枳殼去瓢 紫厚朴
去皮姜汁拌炒 堅枳榔 青皮去瓢各八分 當歸 甘草 地榆各五分 紅花
三分 桃仁去皮尖研一錢 南木香三分 磨兌 水二碗 煎一碗 空心服 渣再煎
服。此方不拘紅白痢，及裏急腹痛身熱等症均治。如單白痢去地榆，桃仁
加橘紅四分 木香 三分，如滯澁甚者，加生大黃酒拌炒三錢，一二劑後，再除
去之。若服一劑，大便已覺通暢者，則不必再服大黃。如服前方，至十餘日
仍未全愈者，可用 川連 黃芩 白芍各酒炒六分 山查肉一錢 橘紅
青皮 枳榔 地榆各四分 炙甘草三分 當歸五分 桃仁泥六分 紅花三
分 木香磨兌二分，水二碗 煎一碗 空心服 渣再煎服。如痢已延至月餘，胃已
虛弱，而無裏急後重，泄痢不已，不能納食者，宜用 川連 條芩各酒炒六

分白芍酒炒四分 橘紅六分 全當歸 人參（無則高麗參及好黨參均可用）白朮土炒 炙甘草各五分 水煎空心服，渣再煎服。

【又方】治痢病初起實症。用白芍 當歸各三兩 萊菔子一兩 枳殼麵炒 檳榔 車前子 甘草各三錢 水煎服，一劑即止。二劑全安，可進飲食矣。

【三】 水瀉挾赤白痢症治

閩病有泄瀉而兼赤白痢者，症治若何？（二一六）

【醫用杏仁去皮尖七十一粒去油研 蒼朮六兩淘米水浸炒研 羌活四兩炒研 大黃一兩炒研 草烏一兩 麵裹煨熟，炒研共爲細末，空心服。忌生冷，麵食，葷腥，煎炒，發物。裝入磁瓶，勿令泄氣。五歲以下服一分，十歲以上服一分五厘，十五六歲服二分，二三十歲服三分，四五十歲服二分五厘，老年人服一分半，孕婦忌服。單水瀉，濃姜湯下。兼赤痢，燈心淡姜湯下。白痢，濃姜湯下。赤

白痢，淡姜湯下。重者日二三服，連服數日愈。

【四】痢症初起不拘紅白症治

問痢症初起，腹痛裏急後重，不拘紅白者，統治之法若何？
(一一七)

凡痢不拘紅白久近，可用生蘿蔔，搥取自然汁二酒杯，蘿蔔白者最妙，生

老姜，自然汁二酒杯，生蜂蜜真者一酒杯，細茶，陳者佳，濃煎一杯，和勻服。若

無蘿蔔，多用萊菔子，冷水浸過，搥取汁亦可。一服即甯，三服全愈。

【又方】初胎小兒糞，瓦上焙乾一錢，雄黃四分，梅花冰片四分，爲極細末，水調點兩眼角內，無論赤白痢及噤口痢，危篤者，皆神效。

【又方】粗草紙捲緊燒燃，取下黑灰，俟冷，加赤沙糖，在石板上錘融，爲丸如圍碁子大，大人每服二三十丸，分作三五次，一日服完。小兒服十餘丸，三日全愈。此方功能推括積痰，而不傷損，無論寒熱虛實各痢，至穩至驗。

【又方】陳細茶葉 山查炭 紅砂糖 白砂糖各三錢 老姜一錢 煎服，
一口服盡，即愈。

【又方】山查炭 研末，紅痢加白蜜爲丸，白痢加紅糖爲丸，紅白痢，加白蜜
紅糖爲丸，空心白開水湯下。大人每服 八錢，小兒每服 三錢，日服三次，三
日全愈。

【又方】木耳一兩 紅痢用紅糖炒，白痢用白糖炒，紅白痢，用紅白糖炒，煮
服極效。

【又方】鬱金九兩 大黃八兩 木香八兩 沒藥製四兩 沉香三兩 巴豆霜四
兩 去淨油，明雄黃八兩 丁香四兩 共研細末，爲丸如豆大，以飛辰炒爲衣，
大人每服十丸，小兒每服五丸，溫水送下，屢試屢驗。

【又方】蒼朮三兩 米酒浸，陳土炒焦 杏仁一兩 去皮尖去油 羌活 二兩 生炒 大黃

一兩炒 台烏藥 一兩五錢 麩包煨透熟大黃 一兩炒 生甘草 一兩五錢 照方泡製，共研細末，每服 四錢，小兒減半，孕婦忌服。赤色者，用燈心三十寸；白色者，用生姜三片 泡水沖服，赤白色者，兩物并用。噤口痢者，用陳醋肉爲引，如無肉，骨代亦可。如水瀉，用米湯調服，病重者，每次加服 二分。

【又方】厚朴二兩 川連六分 酒炒生用各半 山查肉 一兩 當歸 一兩五錢 白芍一錢 酒炒生用各半。甘草五分 陳皮八分 木香六分 麥芽一兩 生軍五分 冷熱水各半煎服，即愈。

【五】 痢下赤白胸悶腹痛脹嘔吐症治

閏痢下赤白水瀉相兼，嘔吐，胸脇脹滿，裏急後重，晝夜無度者，症治若何？

(一一八)

此症因外受暑濕，內傷生冷，或因氣鬱不舒，或因滯熱停結中脘，輕則

泄瀉重則成痢，傷氣分即口傷血分即赤，氣血俱傷，赤白相雜，繞臍腹痛，裏急後重，晝夜無度。用蒼朮八兩黃土炒厚朴八兩姜汁炒陳皮八兩炙甘草三兩藿香二兩砂仁一兩共研細末，和勻，每服三兩，用滾水沖服，立見神效。忌食冷物麵食，煎炒油膩等物。

【六】赤白痢腹痛後重日夜無度症治

閩赤白痢及各種痢症，腹痛後重，日夜不知度數者，治法若何？ (一一九)

用黃芩三錢 杭白芍三錢 生姜三錢 炙草三錢 水碗半，煎七分，每日可服二三帖。

【又方】蒼朮三兩米泔浸陳土炒焦杏仁二兩去皮尖油 川烏一兩五錢去皮麵包煨透羌活二兩炒 生軍一兩炒 製軍一兩炒 生甘草一兩五錢炒 共爲細末，每服四分，小兒減半，孕婦忌服。赤痢用燈心三十寸，煎湯調服。白痢用生姜

三片煎湯調服，赤白痢，燈草姜各半煎服。

【又方】苦參六兩 廣木香四錢 甘草五錢 右爲末，搗飯爲丸，每服一錢，紅痢甘草湯下。紅白兼者，米飲湯下。噤口者，砂仁蓮肉湯下。白痢姜湯下。如水瀉，用猪苓澤瀉煎湯下。

【又方】水晶糖四兩 如赤痢用濃苦茶一杯。白痢用姜汁一杯。赤白痢用濃茶姜汁各半杯，將水晶糖入內，燉烱服，見糞即愈。喫至二服，無不見效。

▲丙 調氣行血類

【一】下痢膿血裏急後重症治

痢病初起，下痢膿血，裏急後痛者症治若何？ (一一〇)

用 白芍 當歸 黃連 黑苓各五錢 大黃三錢 肉桂二錢 枳榔

甘草各三錢 廣木香一錢 每服分兩次煎服，以通暢爲度，不通再作劑。

【二】 下痢食積氣滯症治

閤下痢赤白，由於食積氣滯者，腹脹痛，胸悶不舒，裏急後重，症治若何？

(一一一)

【答】 青皮 陳皮 厚朴 枳實 黃芩 黃連 當歸 白芍 各二

錢 木香五分 檳榔八分 滑石三分 甘草四分 水煎服。

【三】 痢症初起胸腹不寬純下白粘症治

閤痢下白粘，初起但胸腹不寬者，症治若何？ (一一二)

【答】 元胡索末 三錢 酒調服。

【又方】 真川厚朴一錢 煎服，一日三次，兩日即愈，神效。

【又方】 治赤白痢並效。沒藥一兩 乳香一兩 正木香一兩 冰片三分 硃砂五分 鷄內金一兩 正川貝一兩 共為細末，重症每服四分，輕者二分。如赤

癩，再加川連二兩 同末。

【又方】當歸一錢 檳榔三錢 炒萊菔子三錢 研白芍一錢 滑石飛三錢 包枳殼二錢 炙甘草二錢 廣木香二錢 水煎服，夏秋各種癩病，神效異常。無論如何重症，三劑即愈。小兒照方減半，體虛及吸鴉片者忌服。

【又方】當歸一兩 白芍二兩 萊菔子三兩五錢 麥冬三兩 條芩一兩 蘇葉一兩五錢 廣木香七分 初起照方治之。

【又方】沉香四兩 黑山查八兩 青皮一兩五錢 白蔻仁三兩 上桂二兩 川連一兩五錢 丁香二兩 地榆五兩 川朴二兩 甘草一兩五錢 共爲細末，再加洋烟底三兩 和勻紅糖，硃砂爲衣，爲丸，如胡椒大，小人每服一二丸，大人四五丸，神妙。

【又方】沉香三兩二錢 砂仁三兩二錢 檳榔四兩八錢 阿膠一兩八錢 小

茴香八兩 廣木香三兩二錢 研細末，不拘紅白痢皆可服。大人每服二兩，小兒減半，應驗如神。若症重者，加淡姜湯沖服。

【又方】白芍一錢炒 當歸五錢 生枝子一錢碎 枳殼一錢碎 車前子三錢 木香五分 甘草一錢 水二碗，煎一碗，空心服，一劑而痢輕，三劑可以全愈矣。

【又方】治裏急後重白痢神效。川厚朴一錢 煎水，調檳榔末八分 服，或單服檳榔末，水調服亦可。

【四】 下痢先紅後白症治

問痢病先紅後白，裏急後重者，症治若何？ (一三三)

【答】用淮牛膝二兩 搗碎 以酒一斤 泡之，每飲一二杯，日服三次，極其神效。

【五】 血痢不止腹痛後重症治

固血痢不止，腹中痛，後重者，症治如何？ (一二四)

【答】用地榆晒研爲末，每服二錢，摻在羊血上，炙熟食之，以饊子煎湯送下。或以地榆煑汗，熬如飴狀，一服三合，亦用前湯化下。

【又方】苦參炒焦爲末，水泛丸，梧子大，每服十五丸，米飲下。

【又方】山漆三錢，研末，米泔水調服，卽愈。

▲丁 清熱解毒類

【一】紅白痢，噤口不食，症治

【答】紅白痢疾，噤口不食，屬熱毒者，症治如何？ (一二五)

【答】凡赤白痢，暴注下迫，噤口不食，或純見紅痢，爲腸中熱毒。宜用生藕節搗爛，陳酒沖服，極效。

【又方】金銀花五錢，炒枯研末，不論紅白痢，用開水調白糖，空心服，服後

其痢更甚，兩日全愈，奇效無比。小兒一歲服一分。

【又方】用糖鹽橄欖各三枚，開水泡出汁，當茶飲之。如痢將清後，可連渣一并嚼吞，如未見全愈，仍可多服幾次，萬穩萬當。

【二】赤白痢裏急後重腸胃實熱症治

閩赤白痢裏急後重，腹痛拒按，噤口不食，心煩熱，舌上黃苔，脈實有力者，症

治如何？（二二六）

此腸胃實熱宜用 酒炒黃芩三兩 木香二兩 沒藥二兩 元明粉二兩

大黃一兩 酒炒黃柏二兩 連翹一兩 沉香二兩 川連二兩 薄荷五分 乳香

二兩 梔子二兩 甘草五分 共研末，煉蜜爲丸，如烏豆大，硃砂爲衣，每服三

錢。

【三】奇恆痢喉塞咽乾症治

問奇恆痢，腸胃燥熱實結，腹痛拒按，喉塞咽乾，或如見鬼狀，症治若何？

(二二七)

答此症屬腸胃燥熱實結，其症極危，宜急攻下，遲則不救。用生大黃三錢，厚朴三錢，生枳實三錢，水煎俟藥將成，再入風化硝三錢，略煎數沸，去渣溫服，得便通泄，腹痛減，為病退，再酌量進服。

【四】痢兼泄瀉，胸痛裏急後重不甚者，症治？

問痢症兼泄瀉，日夜不止，胸痛，裏急後重不甚者，症治若何？ (二二八)

答此為肺熱下迫，宜用生黃三兩，茯苓五兩，紫參三兩（如無用丹參代），訶黎勒三兩，天花粉三兩，生地榆三兩，甘草一兩，水二碗半，煎一碗，空心服之，一劑即減半，再劑可止。如過重之症，亦不過四劑，可全愈矣。

【五】紅痢不止，症治？

問痢下純紅，久而不止者，屬何症治？

(一二九)

答痢下純紅，名曰血痢。宜用鹽梅一個，胡黃連一錢，灶心黃土（須燒茅柴

者可用）一錢，共為末，茶調服。

【又方】地膚子五兩，地榆、黃芩各一兩，為末，每服一錢，溫水調下。

【又方】貫衆五錢，煎酒服。

【又方】治噤口毒痢，金銀花一兩，煎湯送香連丸三錢。

▲戊 固澁類

【一】痢久不止症治

問久痢不止，無裏急後重者，症治如何？ (一三〇)

答久痢不止，裏急後重腹痛均減，是邪已輕，久痢恐更傷止氣，急宜固澁為治。用刀豆莢飯上蒸熟，洋糖醃食，一二日即愈。

【又方】陳火腿骨煨存性四錢黃連姜汁炒一錢砂糖炒乾四錢烏梅肉五分共爲末，將烏梅煑爛，搗丸，梧子大，每服二四十九丸，空心黃米湯下。

【二】久痢虛滑不禁症治

問久痢但虛滑不禁，雖有赤白，但不腹痛，無後重者，症治若何？ (一三二)

答用臭椿樹皮根，切碎，酒拌炒，爲細末，用真阿膠，水化開，和爲丸如桐子大，每服三五十九丸，空心米湯下。

【三】久泄久痢不止症治

問久泄久痢，腹不痛，不後重者，症治如何？ (一三三)

答用陳石榴皮，酸者焙乾，研細末，每服三錢，米飲湯下，服之卽止。

【四】休息久痢症治

問休息久痢，時作時止，但痢而不後重腹痛者，症治如何？ (一三四)

瘧壯大豬小腸一條，不落水，將箸頂翻，轉出腸中油膩穢濁刮下，但將刮下之物，在瓦上炙焦乾存性，研末用砂糖少許，空心調服，一條腸垢，大者可作二服，小者只作一服。若翻轉，腸內有糞，先去其糞，但刮其近腸之血膩油垢，灸用，重者喫兩三條腸垢必愈。

【五】 赤白久痢腹中不痛症治

問赤白久痢，腹中不痛者，症治如何？

(一三四)

瘧用桂圓七個，粟殼七個，荔枝七個，建蓮七粒去心，水二碗，煎八分，空心服，朝服可以一日不痢，晚服可以一夜不痢，連服數日愈。

【六】 下痢脫肛症治

問下痢久而不愈，邪已淨，並無後重腸痛，但肛門脫出者，症治若何？(一三五)

瘧用 白龍骨粉撲之。

【又方】延胡索末三錢，溫酒調下，即納入，少頃，大便行，痛亦止。

【又方】茄根燒灰，石榴皮等分爲末，以沙糖水服之。

【又方】烏梅肉廿个，水一盞，煎六分，食前分二服。

【七】腎虛久痢不止症治

問腎虛久痢不止，腰脊痠痛，症治若何？（一三六）

答用骨碎補末，入豬腎中，煨熟食之，多食有效。

【八】赤白久痢並久瀉不止症治

問赤白久痢及久泄不止，無後重，腹微痛者，症治若何？（一三七）

答用車前子炒紅麴炒赤石脂滑石各等分爲末，砂糖調，每服三錢，滾湯送下，一二服可愈。

【又方】訶子二个，生一煨爲末，沸湯調服，水泄，加甘草末一錢。

【九】 多年休息癩不愈症治

○多年休息癩，腹不作痛，惟下膿血，兼流黃漿者，症治如何？

(二三八)

○用活鱔魚去腸雜切段，放瓦上焙枯成灰，研粉，每服三錢，黃糖拌，熱陳酒送下，數服全愈。不拘老幼，無不神效。忌食生冷、水酒、海參、海蜇等物。

【又方】真烏梅煎水，紅白糖調服，大有功效。

【又方】休息久癩，如腹尚微痛者，宜用鴉旦子去壳，以桂元包之，大人每包七粒，多則七包，少則五包。小兒每包三粒，多則五包，少則三包，空心滾水吐下，除食乾飯一二碗。俟大便秘時，有白癩如魚腦者，即冷癩之根。如無白癩，一二日後再服一次，或加數粒亦可，此後不必服矣。忌食生冷諸物，及甲魚、海參、海蜇、皮蛋、鴨肉等三月，戒葷腥及酒五日，永不再發。

【又方】豆腐醋煎，常常食之，甚效。

▲ 己 溫補類

【二】 久痢食滑便溏症治

問老年及虛人久痢，食物滑泄，大便溏者，症治如何？ (一三九)

答此為脾腎陽衰，宜雙補之。人參一錢 山藥三錢 茯苓三錢 蓮子三錢 芡

實三錢 補骨脂一錢 淡菝蓉一錢 山萸肉一錢 五味子八分 巴戟天二錢

菟絲子二錢 覆盆子二錢 水煎溫服。

【二】 久痢小便不通厭食欲嘔症治

問久痢無腹痛後重，但小便不通，厭食欲嘔者，症治若何？ (一四〇)

答此由陽以傷及陰分，小便不通，陰液涸也。厭食欲嘔，脾胃兩陽敗也。宜

用 熟地三錢 白芍二錢 熟附子二錢 五味子一錢 炮姜一錢 茯苓三錢

水煎溫服。

【三】 下痢無度脉微細肢厥不食症治

問下痢無度，不後重，但便膿血，脉微細，肢厥，不能納食者，症治若何？（二四一）

答赤石脂一兩半，整用煎半爲細末調，炮姜五錢，白粳米二合，水八杯，煮取三杯，去渣，入石脂末一錢五分，分三次服，若一服愈，餘勿服。虛甚者，可加人參一錢。

【四】 久痢傷氣肛墜尻痠症治

問久痢陰傷，氣陷，肛墜尻痠（尻卽尾闕骨）症治若何？（二四二）

答用熟地黃五錢，禹餘糧一兩，五味子三錢，水煎服。

【五】 噤口久痢腎胃兩傷不能納食症治

問噤口久痢，腎胃兩傷，不能納穀，下焦不固，脊痛尻痠，其人怯冷者，症治若何？（二四三）

用肉蓯蓉一兩泡淡熟附子二錢 人參二錢 乾姜炭二錢 當歸二錢 白芍
肉桂湯浸炒 水八杯。煑受三杯，分三次，緩緩服，胃稍開，再作服。

【六】 血痢久不愈，氣陷陰虛症治

問血痢久不愈，後重脫肛，氣陰兩傷，清熱則傷正，補氣則滯邪，宜用何法治之？
(二四四)

答此宜氣血兩調，清營升補爲治。用 熟地五錢 陳皮五分製 當歸三錢
生地二錢 牡丹皮一錢 綠升麻一錢 生黃耆三錢 杭白芍五錢炒 車前子
三錢 黃芩一錢 甘草一錢 水二碗半，煎一碗，空心服之，須二劑而血止，再
二劑可全愈矣。

▲庚 雜治類

【一】 五色痢不愈症治

下 編 痢 疾 病 問 答

問 癩 下 五 色， 久 而 不 愈 者， 症 治 若 何？

(二四五)

答 五 色 癩 爲 癩 中 最 危 之 候， 其 色 或 赤 白 如 膿， 或 間 黑 色 黃 漿， 或 如 猪 色， 若 見 如 屋 漏 煤 塵 者， 則 不 治 矣。 初 起 宜 用 大 熟 瓜 萐 一 個 煨 存 性 出 火 毒 爲 末， 作 一 服， 溫 酒 服 之。

【又方】刺蝟皮燒灰酒服 二錢。

【又方】陳年年糕 陳雨前茶 冰糖 茉莉花 共煎湯一杯服之，立愈。

【又方】治久癩，無裏急後重者，用酸石榴五个 連子搗汁二升，每服五合，神效。

【又方】乾絲瓜一枚 連皮燒研，空心酒服 二錢。

【二】 赤白暴癩如鵝鴨肝痛不可忍症治

問 赤白暴痢下物如鷄鴨肝狀，痛不可忍者，症治若何？ (二四六)

答 此爲血分熱毒所結。宜用 黃連 黃芩各一兩 水二升，煎一升，分三次，熱服。

【又方】黃連一斤 酒五升，煮取一升半，分數服。

【又方】甘草一尺，炙破，以淡姜水醮水一升半，煎取八合，服之，立效。

【又方】地榆一斤 水三斤，煮一升半，去渣，再煎如稠餈，絞濾過，空腹服三合，日再服。

【三】 一切赤白暴痢症治

問 一切赤白暴痢，其簡易治法若何？ (二四七)

答 用荷葉燒研，每三錢，糖湯下。

【又方】葱白一握，細切，和米煮粥，日日食之。

【又方】臘豬肉骨燒灰，溫酒調服 三錢。

【又方】山查末，滾湯調沙糖服。

【又方】陳細茶葉 山查炭 紅沙糖 白沙糖 各三錢，老姜 一錢，煎服，一日服盡，即愈。

【又方】鷄冠花煎酒服，赤用紅，白用白。

●第七 痢病調護禁忌法

問痢病之調護禁忌若何？ (二四八)

答痢病初起，最宜謹慎口腹。只宜食粥或軟飯，或炒焦米粥，一切葷腥油膩，皆當禁忌。即通常病人所宜食之海蜇，痢病亦宜禁之。最妙以鹽拌蘿菔，或陳火腿肉，揀瘦者，切薄片佐食。雖諺有云，吃不死痢症，此蓋言痢症能食者，尚不致死耳。若恣意口腹，豈非能食者，變成不食，輕病者，變作危

殆乎？尤當禁食生冷、水族、皮蛋、鴨肉等。卽病愈後，亦宜忌口二三月，以免復發。至於病後體虛，色慾更當禁犯。凡痢疾初起，及邪未盡者，切忌早用補澁之藥。犯則能致命不救。卽輕症誤用補澁，亦必變成休息久痢，經年而不愈也。余親見痢病誤服參而脹塞斃命者甚夥，噫！若不知禁忌，則不應死之症而竟死者，寃沉九冥矣！可不慎哉？

下編

痢疾病問答

下
編
瘧疾
病
問
答

